

Wël Jethu cï Joon göt

Wët nhom

Wël cï Joon göt aa Jethu nyuwoth ke ye Wët theer Nhialic tó thïn ë lanayon ku emën, ku abï tó thïn ë lanayon ku emën, ku abï tó thïn atheer, “Ku Wët aci bën a raan ku ciëŋ kek yo.” Cïmën ye athöör nhom guöp ye lueel, Joon ë gät wëlkä rin bï kóc kuen ye njic lon nadë ke Jethu yen Aluëëk, Wën Nhialic wäär cï lëk kóc. Ku kóc bï wëtde gam aabï pïr. (20:31)

Jethu aye nyuwoth abañ tueŋ yic, lon ë yen Wët Nhialic. Ku wël kök bö ciëen ë kënë cök, aa käk juëc jän göi cï Jethu looi. Ku kakkä aa Jethu nyuwoth aya lon ë yen Wën Nhialic, ku ë yen Aluän wäär cï lueel. Kakkä cök, käk jän göi cï röt tieŋ aaci teet yiic. Abañ athör kënë ë yo lëk tē cï kóc kök wët Jethu gam thïn ku buothkë. Ku dhäl kóc kök wëlke ku cik wëtde gam.

Jök cökdit 13 yet 17 ala yic tē cï Jethu kek kocken ye buwoth reër thïn ë tök wëer aköl wäär dom ye. Ku eci jam tēnë kocken ye buwoth nääke nhom tueŋ tē bï kek röt guieer thïn, ku deet kepuoth. Cök ciëen aa yo lëk dömdöm Jethu, ku luŋde ku piëët cï ye piäät tim cï riïu köu, ku jön rotde. Ku jol a nyooth cï yen rot nyuwoth tēnë kocken ye buwoth jön rotde cök ciëen. Anyiköl tiŋ cï koor ye yök cökdit 8 yic, jök cök koor 1 yet 11 aci nyään wei käk cï göt theer yiic. Ku akëc kóc tueŋ kek ke war gëtget wël Jethu yiic göt. Ku aye kóc kök göt aya tädët.

Joon ë miöc pïr akölrüëc ebën bï gäm kóc tē gem wët Raan cï löc ku döc, deet kóc puoth. Ku ë miöc bï rot jök emën ke bï gäm kóc bï Jethu gam, lon ye yen dhël ku yic ku pïr.

Käk tó thïn

Käk cï göt tueŋ.....	1:1-18
Joon raan kóc muoc nhïim ku kóc cï Jethu kaŋ buwoth.....	1:19-51
Piöoc ë Jethu.....	2:1-12:50
Nïn ciëen kadhorou thuonde nhom tueŋ.....	13:1-19:42
Jön rot ku nyooth rot Bëny.....	20:1-31
Käk cï göt ciëen nyooth rot dët Galilia.....	21:1-25

Wēt Pīr

1 Wäthээр кєс нһал ку пинь чак, Wēt ę tō thīn, ee rēer kek Nhialic, ку Wēt ę ye Nhialic. ²Wēt ę rēer kek Nhialic wāar cək kaŋ. ³Kājuęc rēer нһал ку пинь ębēn aake cak ę ye. Ку асін кāk tō thīn кєс ke cak ke yeen liu thīn. ⁴Kuat kāk tō thīn ębēn aa pīr yōk tēnē ye. Ку piērde асī ruel gām raan ębēn.^a ⁵Piērde yen ę ruel dēp apei muōōth yic, ку akęc lēu bī kuōm nyin piny.

⁶Nhialic ęcī atuōnyde tooc, raan cəl Joon. ⁷Acī bēn bī kōc bēn lək bīk ruel ŋic. Acī bēn bī lək ke bī raan ębēn wēt piŋ ku gem. ⁸Yeen ęcie yen ruel, асī bēn bī kōc bēn lək ruel. ⁹Ku Wēt yen ę ye ruel ayic, ruel cī bēn pinynhom tēnē raan ębēn.

¹⁰Wēt ę tō pinynhom, ку Nhialic ę cak piny ę ye, ку akęc kōc pinynhom ŋic. ¹¹Yeen асī bēn tēnē kāk ke cī cak, ку akęc kōcken cī cak lor. ¹²Ku асī kōc abək bēn lor ку gamkē wētde, goke gām riel bīk aa mīth Nhialic. ¹³Keek аacie mīth Nhialic cīt tē ye kōc dhiēeth thīn, cīmēn ye mīth la wun dhiēth ke. Ee Nhialic guōp yen ę Wunden.

¹⁴Wēt асī bēn a raan ку ciēŋ ke yō. Ку diekde acuk tiŋ, diik Wēn tōŋ Nhialic. Ку ę yen bīi yic, ку lier puōu Nhialic tēnē yō.

¹⁵Ku Joon асī tuōl ку lək kōc ę rienke ęlā, “Kēnē yen ę raan wāar ye yēn jam ę rienke, raan wāar ya lueel ęlā, ‘Yen abī lōk bēn yacōk, ку адīt tēnē ya. Yeen ę rēer thīn wāar ke ya кєс cak dhiēeth.’”

¹⁶Rin kāpuōth ę yen Wēn Nhialic, yen асī yō dōc ębēn, dōc tōk ę dōc dēt cōk. ¹⁷Wäthээр lōŋ ęcī Nhialic gām kōc ę Mothith, ку ęmēn Nhialic асī yic ку lier piānde gām kōc ę Jethu raan cī lōc ку dōc. ¹⁸Acīn raan cī Nhialic kaŋ tiŋ tēyōn. Ee Wēn tōŋ thōŋ kek Nhialic, rēer Wun lōōm yen асī yō cəl аŋic Nhialic.

Athōn Joon raan kōc muōc nhīim

(Mt 21:12-13; Mk 1:1-8; Lk 3:1-18)

¹⁹Kōcdīt Itharel Jeruthalem aake cī kōc kāk Nhialic ку kōc kuat Lebī tuōc tēnē Joon, bīk la thiēec ęlā, “Ye yīn ŋa?”

²⁰Ku Joon akęc bēn jai bī wētden dhuk nhom. Acī bēn bēer ę cōk ку lueel ęlā, “Acie yēn Raan cī lōc ку dōc.”

²¹Gokē thiēec, “Aye yīn ŋa? Ee yīn Elija?” Go bēer, “Acie ya.” Gokē bēn thiēec, “Ye yīn raandīt kāk Nhialic tiŋ bī bēn?”^b Go dhuōk ke, “Yei! Acie ya.” ²²Gokē lueel, “Lək yō, ee yīn ŋa? Yok aa dhil wēt dhuōk kōc ke toc yō. Ye rot yōk ę yīn ŋa?” ²³Go Joon bēer, “Yēn ę jam apei roor tē cīi ceŋ, ‘Guierkē dhēl Bēny bī la cōk cīmēn wāar cī Ithaya raan kāk Nhialic tiŋ ye lueel.’”

^a 1:4 Wēt yen асī bēn aa piēr 1:6 Mt 3:1; Mk 1:4; Lk 3:1-2 ^b 1:21 Raan kāk Nhialic tiŋ bī tuōl, bī bēn Raan cī lōc ку dōc bēn lueel. Tiŋ L.rou 18:15, 18; Mt 4:5 1:23 Ith 40:3

²⁴Röörkä aake tooc kɔc akut Parathī, ²⁵ku jɔlkē Joon bēn thiëc ëlä, “Yeñö ë yīn kɔc muɔɔc nhīim tē cīi yīn ye Raan cī lɔc ku dɔc, ku yīn acie Elija ku cīi ye raandit kāk Nhialic tiñ?” ²⁶Go Joon dhuɔk ke, “Yen ë kɔc muɔɔc nhīim piū ë path, ku raan arëër kamkun ë tēn ku acāk ñic, ²⁷raan yen lɔk bēn yacök ciëen, ku acä lëu ba warke dök.” ²⁸Kēn ë loi rot pan cɔl Bethanī, wār Jordan kōu tēwäär ye Joon kɔc muɔɔc nhīim thīn.

Amälthiin Nhialic

²⁹Nayɔn aköl dēt ke Joon tiñ Jethu ke bö tēnē ye, go lueel, “Tiëñkē Amälthiin Nhialic yen bä adumuɔɔm kɔc pinynhom nyaai, kan abö. ³⁰Yen ë raan ye yēn jam ë rienke wäär ë yēn ye lueel ëlä, ‘Yen abi lɔk bēn yacök, ku adit tēnē ya. Yeen ë rëër thīn wäär ke ya kēc cak dhiëeth.’ ³¹Aacä ñic bi ya yen ña, ku yēn aci bēn ku ya kɔc muɔɔc nhīim piū rin bi yēn ye cɔl anjic kɔc Itharel.”

³²Ku ëcī Joon lueel aya ëlä, “Yen aci Wēi Nhialic tiñ ke bö kecīt kuur ë dit, ku nyuuc yenhom. ³³Ku ë ñot kēc ñic, ku ëcī Nhialic raan toc ya ba kɔc aa muɔɔc nhīim piū, lēk ya ëlä, ‘Raan bi yīn Wēi Nhialic tiñ ke bö ku nyuuc yenhom yen ë raan bi kɔc muɔɔc nhīim Wēi Nhialic.’ ³⁴Ee yic, aca tiñ ku alëu ba lueel, wenhiim lɔn ë yen Wēn Nhialic.”

Kɔc cī Jethu kañ buɔth

³⁵Yɔn aköl dēt, Joon ë kääc kek kɔcken ye buɔth karou tēwäär aköl. ³⁶Nawēn tiñ Jethu ke tēk tēthiök ke ke, go Joon döt apei ku lueel, “Tiëñkē, yen akan yen Amäl Nhialic.” ³⁷Ku jɔl piñ kɔc ye buɔth awēn karou këya, gokē Jethu buɔth. ³⁸Nawēn wel Jethu yenhom, ke tiñ ke ke buɔth ye, go ke thiëc, “Yeñö wiëckē?” Gokē lueel, “Rabi, rëër tēnen?” (Ku wētde yic, “Raan Piöoc.”)

³⁹Go lēk ke, “Bäk, bäk bēn tiñ.” Gokē la ku tiñkē tē rëer yen thīn. Ku ë ye tään aköl, ku jɔlkē rëer kek ye abi piny cuɔl.

⁴⁰Raan tōk kam kɔc wēn karou cī wēt Joon piñ ku buɔth Jethu, ee ye Andria wämēnh Thaimon Pīter. ⁴¹Nayɔn nhiäk rial, ke Andria räm ke mēnhē, go lēk ye, “Yok aaci Methaya yök.” (Ku wētde yic Raan cī lɔc ku dɔc.) ⁴²Ku yēth Thaimon tēnē Jethu. Go Jethu döt apei ku lueel, “Yīn ë Thaimon wēn Joon, yīn abi cɔl Kepa.” (Ku yen Pīter wētde yic ee kuur.)

Jethu aci Pilipo ku Nathaniel cɔl

⁴³Nawēn aköl dēt ke Jethu la Galilia, ke räm kek Pilipo, go lēk ye, “Buɔth ya.” ⁴⁴Ku Pilipo ë raan Bethaida, ku ë gen yī Andria ku Pīter aya. ⁴⁵Go Pilipo Nathaniel yök ku lēk ye, “Yok aaci raan wäär cī Mothith gät



Tiënkë, yen akan yen Amäl Nhialic (1:35-36)

ë rienke athör lööñ yic, raan yen cï kɔc kāk Nhialic tiñ gät ë rienke aya, acuk yök. Yen ë Jethu wën Jothep raan Nadharet.”

⁴⁶Go Nathaniel lueel, “Ye këpiath njö lëu bï tuöl Nadharet?” Go Pilipo bëër, “Bäär ba tiñ.”

⁴⁷Nawën tiñ Jethu Nathaniel ke bö, ke jam rin Nathaniel ku lueel, “Raan kënë ë raan Itharel ayic guöp, kecin guöp ruëeny.”

⁴⁸Go Nathaniel lueel, “Ca njic këdë?” Go Jethu bëër, “Yin guo njic wën rëer yin ñaap cök, tëwën këc Pilipo la bï yï la cɔl.”

⁴⁹Go Nathaniel bëër ku lueel, “Raan piöoc, yin ë Wën Nhialic, yin ë Bëny Itharel.”


⁵⁰Go Jethu bëër, “Ca jäl gam rin cï yen ye lëk yï lɔn cï yen yï tiñ wën rëer yin ñaap cök? Yin abï kädit kök wär ë kakkä tiñ!” ⁵¹Ku ben mat thïn, “Wët yic alëk we, wek aabï nhial tiñ ke liep rot, ku atuuc Nhialic aa bāk tiñ ke bö piny tënë Manh Raan ku lek nhial.”

Yan thiëek pan Kana

2 Nin kadiäk cök ciëen, ke ruäai loi gen Kana pan Galilia. Ku man Jethu ë tō thīn, ²ku Jethu ëcī cōl yai yic aya kek kōcken ye buōth. ³Nawën la mōu thōk, ke lëk man ye, “Mōu aci liu tēnē ke.” ⁴Go Jethu lueel, “Tiṅë, yīn aciī kē luōi dhil lëk ya. Akaldië aṅot kēc yēët.” ⁵Go man lëk kōc luōi, “Luōikē kāk bī lëk we ëbën.”

⁶Ku tōnydit kadātem aake cāp kōc lōm. Tōnykā aake ye ke pīu tāau thīn bī kōc kecōk aa lōk, cīt tē ye lōṅ ciēeṅ kōc Itharel ye nyuōth thīn. Ku tōōny tōk ë jōt tē cīt tēn aduōk thiār-rou, tēdē aduōk thiār-diäk. ⁷Go Jethu lëk kōc luōi, “Thiāṅkē tōnykā pīu.” Gokē tōny thiōōṅ abīk thook alic. ⁸Ku jōl Jethu lëk ke, “Gēm kē ye tōnykā yiic, ku gām kē ke raan yen wun ruāai.” Gokē looi kēya, ⁹ku jōl raandit kōc athiëk awën pīu thiëep, pīu cī waar bī ya mōu. Ku akuc tē bīī mōu thīn, aa kōc luōi wën thiōōṅ tōny kek aa ṅic ye. Go raandit kōc athiëk wun nya cōl, ¹⁰ku lëk ye, “Raan ëbën ë muōn path kaṅ gam tueṅ, ku na cī kōc jāl kueth ke muōn lir ajōl lōk gam. Ku yīn cī muōn path waan ciëen agut ëmën.” ¹¹Kēnē yen ë kēdit jāṅ gōi cī Jethu kaṅ looi gen Kana pan Galilia. Ku yen aci diēte nyuōth, ku aaci kōcken ye buōth jāl gam.

¹²Nawën ë kēnē cök, ke Jethu la Kapernaum kek man ku wēët wun ku kōcken ye buōth, ku rēerkē thīn ë tēēn nin lik.



Kēnē yen ë kēdit jāṅ gōi cī Jethu kaṅ looi (2:1-12)

Jethu aci la luaj Nhialic*(Mt 21:12-13; Mk 11:15-17; Lk 19:45-46)*

¹³Ƴɔn ci Yan Ayum cin yic luɔu jal thiɔk, ke Jethu la Jeruthalem. ¹⁴Ku jal ler kal luaj Nhialic yic, ke yɔk kɔc ke ɔɔc wei thin e ɔɔk ku amel ku jal aa kuɔr. Ku kɔc wɛɛu waar yiic aake ci nyuc thin aya. ¹⁵Go waat nai e wiɛn, ku cop kɔc wei kal luaj Nhialic yic kek ɔakken ku thakken ku weer wɛɛu wei, ku wel agenken yiic. ¹⁶Ku lek kɔc kuɔr ɔaac wei, “Nyaaikɛ kakkɛ e ten, ku duɔkkɛ yɔn Wɛ cɔl aye yɔn ɔɔc.” ¹⁷Go kɔcken ye buɔɔth wɛl ci gɔt athɔr thɛer wɛl Nhialic yic tak. Wɛl ye lueel elɛ, “Yin Nhialic, nhiɛr yɔndu adɛp ɔapuɔu cimɛn mac.”

¹⁸Go kɔcɔt Itharel bɛn ku thiɛckɛ, “Ye kɛdit jaj gɔi yindɛ ba looi ba nyuɔth ɔo, lɔn le yin yic ba kɛcit kɛnɛ looi?”

¹⁹Go Jethu bɛɛr ku lek ke, “Rackɛ luaj Nhialic kɛnɛ, ku aba ben looi nin kadiak.” ²⁰Gokɛ lueel, “Aci ruɔɔn thiɛrɔuan ku dɛtem nɔk bi jal thɔk, ku luel ka ba looi nin kadiak yiic?” ²¹Ku luaj Nhialic jicɛm Jethu e guɔpde. ²²Ku na wɛɛr la jɔt raj yic, ke kɔcken ye buɔɔth tak kɛwɛɛr ci lueel. Ku gamkɛ wɛl thɛer Nhialic ci gɔt, ku wɛl ci Jethu lek kɔc. ²³Tɛwɛɛr rɛɛr yen Jeruthalem yai yic, ke kɔc juɛc gam wɛtde wɛn tin kek kakken jaj gɔi ci looi. ²⁴Ku aake njic Jethu ebɛn ku yen akɛc rot nyuɔth ke. ²⁵Ku acin kɛn nadɛ ke wic raan dɛt bi ye nyuɔth kɔc, rin anic kak tɔ raan puɔu.

Jethu ku Nikodemo

3 Raan akut Parathi cɔl Nikodemo, ku e ye raandit kɔc Itharel e tɔ thin, ²naɔɔn akɔu wɛɛr tɔk ke la tenɛ Jethu ku lueel, “Raan piɔɔc, anjicku yin e raan piɔɔc ci Nhialic tooc. Rin acin raan loi kak jaj gɔi cimɛn yin, tɛ liu Nhialic kek ye.”

³Go Jethu bɛɛr, “Yin alɛk yic, acin raan bi baany Nhialic tin, tɛ ciɛ ye ben dhiɛɛth dhiɛn dɛt.”

⁴Go Nikodemo lueel, “Bi raan ben dhiɛɛth kɛdɛ? Lɛu bi dhuk man yɛc bi jal ben dhiɛɛth?”

⁵Go Jethu bɛɛr, “Wɛt yic alɛk yi, raan kɛc ben dhiɛɛth e piu ku Wɛi Nhialic, aciɛ baany Nhialic bi yɔk. ⁶Raan aye dhiɛɛth kɔc e path, ku Wɛi Nhialic e pir yam ye Nhialic gam kɔc. ⁷Duk ye gai tɛ lek yen yi, lɔn dhil we ben dhiɛɛth. ⁸Wɛi Nhialic acit mɛn dhie ye raan yom piɔ ke wuu, ku ciɛ tɛ biɛ yen thin ku tɛ le yen thin njic. Yen e ten kɔc bi ben dhiɛɛth Wɛi Nhialic.” ⁹Go Nikodemo thiɛc, “Bi kɛnɛ rot lɛu kɛdɛ?”

¹⁰Go Jethu lek ye, “Yin e raan piɔɔc kɔc pan Itharel ku kuc kɛnɛ! ¹¹Wɛt yic alɛk yi, ɔok aa jam kak njicku ku luelku kak cuk tin. Ku njot we jei bak

wëtta cii gam. ¹²Na cäk wëtdië gam tē jieem ɣen kāk pinynhom, ke we bi wëtdië gam kēdē tē jieem ɣen tēnē we kāk Nhialic? ¹³Acin raan cii kaŋ la nhial bi kāk Nhialic bëëi, ee raan bö nhial Manh Raan bö piny nhial.”

¹⁴Cimën wäär ci Mothith luŋ wëeth cit këpiiny jat nhial roor bi yen kɔc ci këpiiny cam aa dɔɔc, ke Manh Raan adhil yāth nhial, ¹⁵rin bi raan gam wëtde ebën pīr akölriëc ebën yök. ¹⁶Nhialic anhiar kɔc pinynhom apei. Yen agem yen Wenden juöl, bi raan ebën wëtde gam cii mär, ku pīirkē akölriëc ebën. ¹⁷Ku Nhialic akēc Wēnde tuöc piny bi kɔc bēn luök wei, ee rin bi thāi pinynhom pīr ē rienke.

¹⁸Raan gam wëtde aciī bi luök wei, ku raan ci jai bi wët cii gam aci luök wei, rin kēc yen wët Wēn tööŋ ē Nhialic gam. ¹⁹Ku kēn bi ke luök wei akīn, ruel aci bēn pinynhom ku kɔc aa nhiar muöth tēn ruel rin aa luui käreç.

²⁰Raan ebën käreç looi ē ruel maan ku cii la ɣer yic, rin cii yen käreç ye looi wic bi ke ŋic. ²¹Ku raan luui kápath ē bēn ɣer yic bi luide nyuöth, rin ci ke luöi Nhialic.

Joon aci ben jam rin Jethu

²²Nawēn ke Jethu kek kɔcken ye buöth la pan Judia, ku rēer thīn ke ke, ku muɔc kɔc nhīim piu. ²³Ku Joon ē ye kɔc muɔc nhīim aya tē cɔl Aenon thiäak kek Thalim la yic piu juēc. Ku kɔc aake ye la bi ke la muɔc nhīim. ²⁴(Ku Joon ē ŋot kēc guɔ mac.)

²⁵Nawēn ke kɔc Joon buöth kök jɔl teer kek raan Itharel rin lök ye kɔc kegup lök, ²⁶gokē la tēnē Joon ku luelkē, “Raan piöc, lēu ba mony wäär rēer kek yi wār Jordan alɔntui tak, raan ye yīn jam ē rienke? Yen amuɔc kɔc nhīim emēn, ku kɔc juēc aala tēnē ye!”

²⁷Go Joon bëër, “Acin tē bi raan kēdāŋ yök tē kēc Nhialic ye gām ye. ²⁸Week wepēc acäk piŋ ke lēk we elä, ‘Yen acie Raan ci lɔc ku dɔc, ku ɣen aci tuöc tueŋ ē path yenhom.’ ²⁹Raan thiěk yen ē raan bi gām nya, ku mātħde ē köc ku ē puöu miet tē piŋ yen rölde. Yen ē miet piändiē aya emēn. ³⁰Yen abi dhiel dit apei ku ɣen abi kuur.”

³¹Raan bö nhial adit tēnē kɔc ebën, ku raan piiny ē kēn piny. Raan bö nhial atō kɔc nhīim tueŋ ebën. ³²Ee kɔc lēk kāk ci tiŋ ku kāk ci piŋ, ku acin raan wëtde gam. ³³Ku raan ci gam, aci gam lɔn ye Nhialic yic lueel. ³⁴Raan ci Nhialic tooc yen ē jam wēl Nhialic, rin aye Nhialic gām riel Wēike ebën. ³⁵Wun ē Wēnde nhiaar ku tēü kēriëc ebën yecin. ³⁶Raan gam wët Wēn ē Nhialic abi pīr akölriëc ebën, ku raan cii wët Wēn Nhialic bi gam aciī pīr akölriëc ebën bi yök, rin acin kē bi riäak puöu ē Nhialic nyaai tēnē ye.

Jethu ku tiŋ pan Thamaría

4 Nawën ke ñic Jethu lón cī kɔc akut Parathī ye piŋ, lón nadë ke kɔc aa bën tënë ye bī ke bën muɔɔc nhīim, ku lón cī yen la kɔc juëc ye buɔɔth wär kɔc Joon buɔɔth. ²(Ku acie yen ye kɔc muɔɔc nhīim, aa kɔcken ye buɔɔth.) ³Nawën piŋ wët ye lueel, go jäl pan Judia ku dhuk Galilia. ⁴Ku ë bī dhiel yet pan Thamaría rin yen ë dhël tēek yen thīn.


⁵Go yet pan Thamaría cɔl Thikar thiääk ke piny wäär cī Jakop gäm wënde Jothep. ⁶Ku yinh cī Jakop cɔl awec ë tō thīn. Nawën cī Jethu dak ë cäth, go nyuc yith lööm. Ku ë ye aköl ciel yic.

⁷Go tiŋ pan Thamaría bën yiith bī bën gem pīu, go Jethu lëk ye, “Muɔc ɣen pīu ba dek.” ⁸(Ku kɔcken ye buɔɔth aake cī la geu bīk la ɣɔɔc miëth.)

⁹Go tiŋ pan Thamaría lëk ye, “Këdë wën? Yīn ë raan Itharel ku thiëc ɣa, ɣen raan Thamaría ba yī muɔc ë pīu?” (Kɔc Itharel aake cie dek kek kɔc Thamaría.)

¹⁰Go Jethu bëër, “Na yī ñic miëc Nhialic ku raan thiëc yī pīu ñuŋt aca thiëc, ku ñuŋt aci muɔc pīu pīr.”

¹¹Go tik lueel, “Bëny, yīn acin kë gem yīn pīu, ku yith amec yic, ba pīu pīr yök tēnen? ¹²Ye yīn dīt tënë wädīt Jakop raan cī ɣo gäm yinh kënë, ku dëk thīn yen ye nhom kek miëthke ku ɣäkke?”



*Go tiŋ pan Thamaría bën
yiith bī bën gem pīu
(4:7)*

¹³Go Jethu bëër, “Kuat raan dek piukä abì rou ben nõk, ¹⁴ku raan bi dek piu ba yiék ye aciì rou bi ben nõk, ku piu bi yiék ye aabi ya dhiamayeyic ye piu pìr kuër thìn, ku yik ye pìr alanden.”

¹⁵Go tik lèk ye, “Bëny, yiék ɣen piukä bi rou ɣa ciì ben nõk, ba ciì ben bën tèn ba bën gem piu.” ¹⁶Go Jethu lèk ye, “Lɔɔɔ cɔl muɔnydu bāk bën tèn.”

¹⁷Go tik lueel, “ɣen aciìn moc.” Go Jethu bëër, “Këdu ë yic, lɔn cìn yìn moc. ¹⁸Yìn aci kaɲ rëer kek röör kadhiëc, ku mony rëër kek yi ëmën acie muɔnydu. Yìn aci yic lueel.”

¹⁹Go tik lueel, “Bëny aca ñic, yìn ë raan kāk Nhialic tiɲ. ²⁰Wärkuan theer pan Thamaria aake ye Nhialic door ë gɔn kënë nhom, ku ayakë lueel wek kɔc Itharel lɔn dhil ɣok Nhialic la door Jeruthalem.”

²¹Go Jethu lueel, “Gam wëtdië, yìn tiɲë tē bi wek Wä door aci thiök, ku acie gɔn kënë nhom ku acie Jeruthalem. ²²Wek kɔc Thamaria wek kuc raan yakë door, ku ɣok kɔc Itharel ɣok aa ñic raan yeku door rin pìr abö tënë Itharel. ²³Ku aköl ajɔl bën, ku aci guɔ bën ëmën guöp, tē bi riel Wëi Nhialic kɔc cɔl aa dor Wä cìmënde, kek aa kɔc wic Wä bik ye door. ²⁴Nhialic ë Wëi, ku rin riel Wëike yen alëu ye bi door cìmënde.”

²⁵Go tik ben lèk ye, “Aɲiëc lɔn bi Raan ci lɔc ku dɔc bën. Na le bën ka bi ɣo nyuɔth këriëc ëbën.”

²⁶Go Jethu bëër, “Yen ë ɣen, raan jam kek yi.”

²⁷Ku kaamthiin wën jiëem kek, ke kɔcken ye buɔɔth bö ku gëikë apei rin jiëem yen kek tik. Ku aciìn raan tök kamken ci tik thiëc, “Yeɲö wic, ku yeɲö jiëem yen kek ye?”

²⁸Go tik tönyden piu nyään piny, ku ket ke dhuk geeu ku lèk kɔc.

²⁹“Bāk tiëɲkë mony cä lèk këriëc ëbën ca looi. Nadë ke ye Raan ci lɔc ku dɔc?” ³⁰Gokë bën bei geeu bik la tënë Jethu.

³¹Ku kaamthiin wën, ke lèk kɔcken ye buɔɔth ye, “Raan piöoc, jɔl miith.”

³²Go bëër, “Yen ala miëth, cìn kë ñieckë thìn.”

³³Go kɔcken ye buɔɔth röt jal aa thiëc kamken, “Tëdë le raan ci miëth bëëi tënë ye?”

³⁴Go Jethu lèk ke, “Miëthdië ee lɔn ba wët raan toc ɣen looi, ku thääp luɔi ci gäm ɣa. ³⁵Cäk kääɲ ye lueel dhie ëlä, ‘Pëi kaɲuan aɲoot ku rap abì tem.’ Ku alëk we, jatkë wenyìn bāk dum tiɲ, yemën rap aaci luok ku apath bi ke tem! ³⁶Raan rap tem aye riɔp ku ë köth pìr tem alanden, këya raan cumcum ku raan tëm tëm aabi puɔth miet kedhie. ³⁷Kääɲ aci ya yic. ‘Raan tök ë com ku tëm raan dët.’ ³⁸Wek tuɔɔc bāk rap la tem dom yic ku ë dom këc wek luui thìn. Kɔc kök aaci luui thìn ku wek aa röt kony luoiden.”

³⁹Go kɔc juëc Thamaria ë gen wën yic wët Jethu gam, rin cï tik wët lueel ëlä, “Këriëëc ëbën ca looi acï lëk ya.” ⁴⁰Nawën bö kɔc Thamaria tënë ye ke länjë bï rëër ke ke. Go Jethu nin karou nök thïn tëën.

⁴¹Go kɔc kök juëc wëtde jäl gam rin wël ye lëk ke, ⁴²ku lëkkë tik, “Ëmën, yok aaci wët jäl gam, ku akëcku gam rin wëlkun ca lueel, ku ë rin cï yok wëtde piŋ ku ŋicku lɔn ë yen Aluäŋ kɔc pinynhom ëbën alanden.”

Jethu acï manh bëny kony

⁴³Nawën cï nin karou nök thïn tëën, ke Jethu jɔl jäl ku ler lɔŋ Galilia. ⁴⁴Rin yen Jethu guöp ëcï lueel lɔn, “Raan käk Nhialic tiŋ acie theek wuönden.” ⁴⁵Nawën yeet Galilia ke lor apej, rin wäär cï kek käk cï Jethu looi yai yic tiŋ, wäär cï kek la Yan Ayum cïn yic luɔu yic Jeruthalem.

⁴⁶Go Jethu ben dhuk gen Kana tö Galilia, tëwäär cï yen piü waar thïn bï ya muön abiëc. Ku raandit kam kɔc mac baai cï manhde tuaany Kapernaum ë tö thïn. ⁴⁷Nawën piŋ lɔn cï Jethu jäl Judia ku ben dhuk Galilia, ke la tënë ye ku lëŋ bï la Kapernaum bï manhden cï thiök ke thou kony bï pial. ⁴⁸Go Jethu lëk ye, “Acïn raan bï ye gam kamkun të këc wek kit ku kädit jän göi tiŋ.”

⁴⁹Go raandit awën bëër ku lueel, “Bëny, bäär lokku ba manhdië dööt.” ⁵⁰Go Jethu lëk ye, “Lɔɔr, manhdu abi pïr.” Go mony wën wët Jethu gam ku jiël. ⁵¹Wën cieth yen dhël yic, ke räm kek kacken luɔi ku luelkë, “Manhdu acï yör.”

⁵²Go ke thiëëc aköl alɔŋ jɔl manhde ŋuëën. Gokë lueel, “Wäaraköl tään aköl yen ë jiël juäi yeguöp.” ⁵³Go wun ŋic lɔn ë yen aköl alɔŋ wäär cï Jethu ye lëk ye ëlä, “Manhdu abi pïr.” Ku jɔl wët Jethu gam kek kacke ëbën.

⁵⁴Kënë, yen aye kädit jän göi cï Jethu looi rou, wäär le yen dhuk Judia ku ler Galilia.

Raan tuany ruöön 38 acï kony

5 Nawën ke yan kɔc Itharel ë tö thïn, go Jethu la Jeruthalem yai yic. ²Ku tëthiääk kek të cɔl Kal Amël Thok, pul ë tö thïn, pul cɔl Bethaida thoŋ kɔc Itharel. ³Ku kɔc juëc tuany aake ye töc thïn, kɔc cï cɔɔr ku kɔc cï ŋɔl ku kɔc cï duany. Ku keek aake ye piü tiit bik la tiaktiak, ⁴rin atuny Nhialic ë ye bën pul yic, ku cɔl piü ala tiaktiak, ku raan cï kaŋ la wiïr të cï piü röt tiak, ke kony kuat tueny tö yeguöp. ⁵Ku raan tuany ruöön thiärdiäk ku bët ë tö thïn. ⁶Nawën tiŋ Jethu puok yic ke cï töc, ku aŋic lɔn cï ye tuaany run juëc, go thiëëc, “Wic ba pial?”

⁷Go raan tuany bëër, “Bëny, acin raandiën tō tēn bī ɣa ɣāth wīir tē tiak piū rōt thīn, rin na them ba la thīn, ke raan dēt ē kaɲ wēr thīn.”

⁸Go Jethu lēk ye, “Jət rot ku lōm biōŋdu ku cathē.” ⁹Go raan wēn guɔ pial ku kueny biōŋde ku cieth. Ku akōl looi kēn rot ē ye akōl cīi kɔc Itharel ye luui, ¹⁰go kɔc Itharel lēk mony cī kony, “Yakōl, akōl cīi kɔc ye luui, ku akēc puōl tēnē yī ba biōŋdu ket.”

¹¹Go bëër, “Acī raan cā kony ba pial lēk ɣa ēlā, ‘Lōm biōŋdu ku cathē.’”

¹²Gokē thiēc, “Yeɲa yen raan cī lēk, ‘Lōm biōŋdu ku cathē?’”

¹³Ku raan cī kony ē kuc raan kony ye, rin kɔc juēc aake tō ē tēwēn ku Jethu ēci la lieplāŋ wei.

¹⁴Nawēn ke yōk Jethu luaŋ Nhialic, go lēk ye, “Tiŋ yīn acī pial ēmēn, pāl adumuōm, tēdēt ke kēdēt rac apei abī rōt ben luōi yī.”

¹⁵Go mony wēn jāl ku le lēk bāny Itharel lōn ē Jethu yen acī ye kony bī pial. ¹⁶Gokē jɔk bīk Jethu aa jōor rin cī yen raan kony akōl cīi kɔc ye luui. ¹⁷Go Jethu bëër tēnē ke ēlā, “Wā ē luui akōlakōl, ku ɣen adhil luui aya.”

¹⁸Ku jam kēnē acī bāny Itharel rac puōth apei, ku wīckē bīk nōk, ku acie rin cī yen lōŋ akōl cīi kɔc ye luui thoŋ rot, ee rin cī yen ye lueel lōn ye Nhialic Wun, ku kēya acī rot looi bī thōŋ kek Nhialic.

¹⁹Go Jethu jal bëër, “Wēt yic alēk we, acin kē ye Wāt looi piānde ē rot, kē ye looi ē tōk, ee kē cī tiŋ kē ye Wun looi. Ku kē ye Wun looi aye Wēnde looi aya. ²⁰Rin Wun ē Wēnde nhiaar, ku nyuth kēriēc ye looi. Ku kādit tēnē kēwēn aabī nyuōth ye, ku wek aabī jal gāi ēbēn. ²¹Cimēn ye Wun kɔc cī thou jət ku yīk ke pīr, ke Wēnde aya ē pīr yiēc kɔc wīc ye. ²²Wun guōp acin raan ye luōk wei. Ku acī Wēnde yiēc riel bī looi tēnē ke ēbēn. ²³Rin bī kɔc ēbēn Wēnde theek cimēn ye kek Wun theek. Kuat raan cie Wēnde ye theek, acie Wun ye theek raan toc ye.

²⁴“Wēt yic alēk we, raan piŋ wētdiē, ku gem wēt raan toc ɣa pīr akōlriēc ēbēn atō tēnē ye. Acī bī luōk wei, yeen acī jāl thou yic ku yōk pīr. ²⁵Wek aa lēk yic, akōl bī bēn, ku acī guɔ bēn tē bī kɔc cī thou rōl Wēn Nhialic piŋ, ku kɔc bī ye piŋ aabī pīr. ²⁶Cimēn ye pīr bēn bei tēnē Wun, kēya, yeen acī Wēnde looi bī ɣa tē ye pīr bēn bei thīn aya. ²⁷Ku yeen acī Wēnde yiēc riel bī luk looi tēnē kɔc, rin ye yen Manh Raan. ²⁸Duōkkē gēi ē wēt kēnē, akōl bī kɔc cī thou rōlde piŋ rēŋ yiic abō, ²⁹ku keek aabī bēn bei rāŋken yiic, kɔc cī ŋiēc luui apath aabī rōt jət ku aabī pīr, ku kɔc cī luui kāreɔc aabī rōt jət ku aabī luōk wei.

³⁰“Acin kē lēu ba looi piāndiē ē rot, ɣen ē wēt teem kecīt kē cī Nhialic lēk ɣa, kēya wēt ca teem ala cōk rin acie wēt piāndiē yen wiēc ba looi, ee wēt wīc raan toc ɣa ē rot.

³¹“Na jaam ë rienkië ke kë luel acie gam ciët ye yic. ³²Ku raan dët jam ë rienkië atö thïn, ku aɲiec lɔn kë ye luel rienkië ë yic. ³³Atuc aa cäk tuɔɔ tënë Joon ku yeen aci wët yic luel. ³⁴Acie lɔn bi ɣen la raan jam ë rienkië, aya luel yen kënë rin bi wek pïr. ³⁵Joon ë ye këcït mermer dëp ku mer piny, ku week ë yakë wïc kaam thin-nyɔɔt bäk puŋth miet thïn ruelde. ³⁶Ku raan jam ë rienkië atö thïn, ku wëtde aril tënë wët ci Joon luel ë rienkië luoi ya ke looi, luoi ci Wä yiëk ɣa ba ke looi, keek aa jam ë rienkië ku nyoothkë lɔn ci Wä ɣa tooc. ³⁷Ku Wä aya, raan toc ɣa, yen ajam ë rienkië aya. Wek aa këc rölde kaɲ piɲ ku akëckë kaɲ tiɲ, ³⁸ku wët ci luel acäk ye muk wepuŋth, rin ciï wek wët raan ci tooc ye gam.

³⁹“Athör Nhialic ayakë kueen, rin ye wek ye tak lɔn bäk pïr akölrïëëc yök thïn. Ku keek aya aa jam ë rienkië! ⁴⁰Ku ɲot cäk wïc bäk bën tënë ɣa bäk pïr yök thïn.

⁴¹“Acä wïc bi kɔc ɣa leec. ⁴²Ku wek ɲiec, ku aɲiec lɔn tōu nhiër Nhialic wepuŋth. ⁴³ɣen aci bën kek riel ë Wä, ku kueckë bäk ɣa lor, ku na bö raan dët kek rielde ë rot ke yen abäk lor. ⁴⁴Anhiarkë bäk lec yök tënë raan dët, ku acäk ye them bäk lec yök tënë Nhialic, ye këdë yen bi wek ɣa gam? ⁴⁵Ku ëmën duökkë tak lɔn bi ɣen we luɔm tënë Wä. Mothith guöp yen abi we luɔm, ku ë Mothith yen acäk ɲöŋth wepuŋth. ⁴⁶Na we ci Mothith gam alanden, ke wek ɲot we gam ɣa aya, rin ci yen wël göt ë rienkië. ⁴⁷Ku rin ye wek kuc gäm wël ci göt, ke lëukë këdë bäk wël ca lëk we gam?”

Jethu aci miëth koor juak bi kɔc juëc cam

(Mt 14:13-21; Mk 6:30-44; Lk 9:10-17)

6 Ye tëën ke Jethu tem wär Galilia cɔl Tiberia aya. ²Go kɔc juëc buɔɔth rin ci kek kädit jän göi, ci yen kɔc tuany kony tiɲ. ³Go Jethu la gɔt nhom ku nyuuc kek kɔcken ye buɔɔth. ⁴Ku yan kɔc Itharel, Yan Ayum cïn yic luɔu ëci thiök. ⁵Nawën ciëth Jethu piny ke tiɲ kɔc juëc ke bö tënë ye, go Pilipo thiëëc, “Ye tëno bi yök miëth kueth kɔc ëbën ɣɔɔc thïn?” ⁶Ací këne luel ku bi Pilipo them, rin ɲic yen kë bi looi.

⁷Go Pilipo bëër, “Rin bi raan tók ayum thin-nyɔɔt yök, ka wïc wëëu juëc apei bi ayuöp ɣɔɔc.” ⁸Go Andria, mënh Thaimon Pïter, ku ë ye raan tók kam kɔcken ye buɔɔth luel, ⁹“Dhök atö thïn tën ke muk ayuöp kadhiëc ku rec karou, ku aaciï kɔckä ëbën bi lëu.”

¹⁰Go Jethu lëk ke, “Calkë kɔc anyuc piiny.” (Ku noon ë dit thïn ë tëën. Go kɔc nyuc ëbën piiny.) Ku rööp kepëc aake ye tëcït tën tiim kadhiëc. ¹¹Go Jethu ayuöp lööm ku leec Nhialic, ku tek ke tënë kɔc wën ci nyuc ëbën. Ku ben looi këya kek rec, bi raan ëbën kueth cït të wïc. ¹²Wën ci

kek kueth ëbën, ke lëk kacken ye buoath, “Kuanykë abëk cì dõnj piny, bî ciën kè riääk.” ¹³Gokë ke kuany ëbën, ku thiõnkë gäc thiäär ku rou abëk ayuõp cì dõnj piny, tènë ayuõp kadhiëc wën cì ke tëk kac bik cam.

¹⁴Nawën tîj kac wën luoi ril cì Jethu looi ke luelkë, “Kënë ë raan käk Nhialic tîj yen bî dhiel bën pinyinhom.” ¹⁵Go Jethu jäl ñic lön bî kek bën bik ye bën döm riel, ku loikë bî ya bënyaknhom, go ben dhuk gat nhïim ë rot.

Jethu aci cath pïu nhïim

(Mt 14:22-33; Mk 6:45-52)

¹⁶Nawën cì piny cuol, ke kacken ye buoath la piny wär thok, ¹⁷ku lek riäi yic, ku dhukkë ciëen wär alõjtui lõj Kapernaum. Nawën ke wëër jol yic dît ke Jethu ñot këc bën tènë ke. ¹⁸Kaam wën ke yomdît jot rot ku loi atiaktiak rot apëi. ¹⁹Ku kacken ye buoath, aake ye təcit meel kadiäk ayï ñuan wën tîj kek Jethu ke cath pïu nhïim, ke bõ tětthiök kek riäi, gokë riõõc apëi, ²⁰Go Jethu lëk ke, “Duõkkë riõc, ee yën.” ²¹Gokë jat riäi yic, ku go riäi guo yet wär thok tëwën le kek thïn.

Kac aa wïc Jethu

²²Nayõn nhiäk ke tîj kac ke cì dõnj wär alõjtui, lön ë yen riän tøkalinj yen aci dõnj. Ku anickë lön këc Jethu la riäi yic kek kacken ye buoath, ku aake cì jäl ë röt. ²³Go riëth kök ke bõ Tiberia bën wär thok tětthiääk ke tëwäär ciem kac juëc ayup thïn, wën cì Bëny lec gam. ²⁴Nawën tîjkë lön liu Jethu thïn, ku liu kacken ye buoath aya, gokë kæec riäth yiic ku lek Kapernaum bik Jethu la wïc.

Jethu ayum ë pïr

²⁵Nawën lek Jethu yök wär alõjtui ke lëkkë ye, “Raan piõoc, ye nen bî yin ë tën?” ²⁶Go Jethu bëër, “Wët yic alëk we, wek aa wïc ya rin cì wek ayup cam təcit të wiëckë, ku acie rin cì wek luõikiën ril deet yiic. ²⁷Duõkkë lui rin miëth riääk, luõõikë rin miëth rëer rin pïr akõlriëc ëbën. Miëth kënë abi Manh Raan yiëk we rin Wun, Nhialic aci rielde gäm ye ku tooc.”

²⁸Gokë thiëc, “Buk ñõ looi buk luoi wïc Nhialic looi?”

²⁹Go Jethu bëër, “Luoi wïc Nhialic bäk looi akïn, ë lön bäk wët raan cì tuõõc gam.”

³⁰Gokë luel, “Ye kïn riel ñõ ba looi buk tîj ku buk wëtdu gam? Yëjõ ba looi? ³¹Wärkuan theer aacä ayum löny nhial cam roor, cimën cì ye göt athör theer wël Nhialic yiic ëlä, ‘Ayum nhial aci yiëk ke bik cam.’”

Jethu acath piü nhüim
(6:16-24)



³²Go Jethu lueel, “Wët yic alëk we, kē cī Mothith yiëk we acie ayum pan nhial, ee Wä yen ë we yiëk ayum yic bö pan nhial. ³³Rin ayum ye Nhialic gam ë yen raan bö piny pan nhial, ku yik thäi pinyhom pïr.”

³⁴Gokë thiëc, “Bëny, muoc yo ayum kënë akölaköl.”

³⁵Go Jethu lëk ke, “Yen ayum ë pïr,” Ku raan bö tënë ya aciï cök bi kañ nök, “Ku raan gam wëtdië aciï rou bi nök. ³⁶Ëmën, aca lëk we lon cī wek ya tiñ, ku añot këckë gam. ³⁷Raan ëbën cī Wä yiëk ya, yen abi bën tënë ya. Ku raan bi bën tënë ya acä bi cuop wei, ³⁸rin cī yen bën pan nhial ba wët raan toc ya bën looi, ku acie wët piändië. ³⁹Kë wic raan toc ya ba looi akïn, bi ciën kë mär kam käk cī yiëk ya, ku ba ke jot ëbën aköl ciën. ⁴⁰Rin kë wic Wä akïn, lon raan ëbën tiñ Wënde ku gem wëtde, abi pïr akölrüëc ëbën yök thin, ku keek aaba jot bik pïr ëbën aköl ciën.”

⁴¹Go koc Itharel luööp guöp rin cī yen ye lueel ëlä, “Yen ayum cī bën piny pan nhial.” ⁴²Ku luelkë, “Monyë cie Jethu wën Jothep? Wun ku man aa ñicku. Ku yenö ye yen ye lueel lon cī yen bën piny pan nhial?”

⁴³Go Jethu bëër, “Duökkë lum kamkun. ⁴⁴Acin raan lëu ye bi bën tənë ya tē kēc Wā ē toc ya ye thël yēn, ku aba jōt bi pīr akōl ciēn. ⁴⁵Acī kōc kāk Nhialic tiŋ gōt ēlā, ‘Kōc ēbēn aabi Nhialic ke piöc.’ Raan ēbēn piŋ wēt Wā ku piöc tənē ye ē bēn tənē ya. ⁴⁶Ku acie rin nadē yen raan cī Wā kaŋ tiŋ, raan bō tənē Nhialic, yeen ē rot, yen ē raan cī Wā kaŋ tiŋ. ⁴⁷Wēt yic alēk we, raan gam wēt ala pīr alanden. ⁴⁸Yēn ayum ē pīr. ⁴⁹Wärkun theer aacā ayum löny nhial cam roor ku aaci thou. ⁵⁰Ku ayum bō piny pan nhial, yen acit kēn na ciem raan ka cie ben thou. ⁵¹Yēn ayum ē pīr cī bēn piny pan nhial. Raan cam ayum kēnē, ka pīr akōlriēc ēbēn. Ayum yen ba yiēk ye ē riēŋdiē ya gam bi kōc ēbēn pīr.”

⁵²Go kōc Itharel teer apei kamken, ku thiēckē, “Lēu mony kēnē kēdē, bi riēŋde yiēk yo buk cuet?”

⁵³Go Jethu bëër, “Wēt yic alēk we, tē cī wek Manh Raan cuet ku dēkkē riēmdiē ka cīn pīr bāk yōk wēikun yiic. ⁵⁴Raan cuet riēŋdiē ku dek riēmdiē ala pīr alanden, ku abi jōt akōl ciēn bi pīr. ⁵⁵Rin riēŋdiē ē miēth alanden, ku riēmdiē ē kēdek alanden. ⁵⁶Raan cuet riēŋdiē ku dek riēmdiē abi pīr yayic, ku yēn abi pīr yeyic. ⁵⁷Wā pīr acā tooc, ku ē rin rienke yen abi yēn aya, ku kēya raan cuet yēn abi pīr ē rienkiē. ⁵⁸Ku yen kīn ayum bō piny pan nhial, aciī thōŋ kek ayum cī wärkun theer cam ku lökkē thou. Raan cam ayum kēnē abi pīr akōlriēc ēbēn.”

⁵⁹Wēlkā aaci Jethu luel wäär piöc yen kōc tēn amat Kapernaum.

Wēl pīr akōlriēc

⁶⁰Nawēn piŋ kōc juēc ye buōth wēlkā, ke luelkē, “Piöc kēnē aril apei. Yeŋa lēu bi ke piŋ?” ⁶¹Go Jethu ŋic lōn jicem kek wēl wēn, ku lēk ke, “Wiēckē bāk jāl rin ē wēlkā? ⁶²Yeŋō bāk looi tē tiŋ wek Manh Raan ke dhuk nhial tēwēn rēer yen thīn? ⁶³Ee Wēi Nhialic yen ē pīr gam, ku riel raan acin kē ye kony. Wēl ca lēk we aa wēi ku aa pīr. ⁶⁴Ku kēya aciī kōc kōk kamkun ye gam.” (Rin ēcī Jethu guō ŋic tuēŋ lōn ye yiŋa cīi bi gam, ku yeŋa bi ye gaany.) ⁶⁵Ku ben luel, “Ee rin wēt kēnē guōp yen alēk yēn ye we, lōn acin raan lēu ye bi bēn tənē ya, tē kēc Wā ye looi bi yic pial tənē ye.”

⁶⁶Ku rin ē wēlkā, ke kōc juēc kam kōc ye buōth dhuk ciēn, ku cik ben cath kek ye. ⁶⁷Go Jethu atuōcke thiäär ku rou thiēc, “Na week, wiēckē bāk jāl aya?”

⁶⁸Go Thaimon Pīter bëër tēnē ye, “Bēny, buk la tēnē ŋa? Yīn ala wēl pīr alanden. ⁶⁹Ku emēn acuk gam ku acuk ŋic lōn ē yīn raan dhēŋ bō tēnē Nhialic.”

⁷⁰Go Jethu bëër, “Cie ɣen ɣa kuany we wathiäär ku rou? Ku raan tök kamkun aɲot ye jɔŋrac.” ⁷¹Yeen ë jam rin Judath, wën Thaimon Ithkariöt. Rin Judath, na cɔk alɔn ë yen raan tök kam atuöccke kathiäär ku rou, ka wïc bï ye luɔm.

Jethu ku wämäthakën

7 Wën ë wëlkä cök ciëen, ke Jethu kueny bëëi Galilia yiic, ku ë këc wïc bï la keny Judia, rin wïc bäny Itharel tō Judia ye bik nök. ²Ku yan kɔc Itharel cɔl Yan Duël ëcï thiök. ³Go wämäthakën lëk ye, “Jäl ë tën ku lɔr Judia bï kɔckun yï buɔth luɔidun ye looi tïŋ. ⁴Acïn raan kë looi thiaan tē wïc yen ye bï ɲic apath. Rin ye yïn käckä looi, ke yï cɔl kɔc pinynhom aa ɲic yï.” ⁵Agut wämäthakën aakëc wëtde gam, yen aa lueel kek ye këya.

⁶Go Jethu lëk ke, “Akäldië guöp aɲot këc ɣëët. Ku na ye we, ke kuat aköl ëbën apath. ⁷Acïn tē bï kɔc pinynhom we maan, ku keek aa man ɣa rin aya lueel, lɔn rɛec luɔiken. ⁸Lak yai yic, ku ɣen acïi la ë yan kënë yic, rin aköldiën bï ɣen la akëc guɔ bën.” ⁹Yeen acï jam këya ku jɔl rëer pan Galilia.

Jethu ala Yan Duël yic

¹⁰Nawën cï wämäthakën la yai yic, ke Jethu lök la aya, ku akëc la ke ɲic, yeen acï la ke mony rot.

¹¹Ku bäny Itharel aake wïc Jethu yai yic, ku thiëckë, “Tō monyë tēnen?”

¹²Ku aluɔp ë dit apei ë rienke. Aye kɔc kök lueel, “Yeen ë raan path.” Ku lueel kɔc kök, “Acie këya, yeen ë raan kɔc duöŋŋ.” ¹³Ku acïn raan ye jam ë rienke kɔc nhïim, rin riöc kek bäny Itharel.

¹⁴Wën cï nïn abëk yai thök, ke Jethu la kal luɔŋ Nhialic yic ku jɔl kɔc piöc. ¹⁵Go bäny Itharel gäi apei ku luelkë, “Ye raan kënë kɔŋ ɲic këdë ku akëc kaŋ piöc.”

¹⁶Go Jethu bëër, “Wël ya piöc acie wëlkië aa wël bö bei tēnë Nhialic, Aciëŋ cï ɣa tooc. ¹⁷Raan wïc ye bï kë wïc Nhialic looi, abi ɲic lɔn nadë kë ya piöc abö tēnë Nhialic, ku acie riöldië ë rot. ¹⁸Raan jam rielde ë rot ë lɛc yen aye wïc, ku raan wïc lɛc tēnë raan toc ye, yen ë raan path, ku acïn ruëeny tō yepuöu. ¹⁹Këc Mothith löŋ Nhialic nyuöth we? Ku acïn raan löŋ theek kamkun. Yeŋö ye wek ye wïc bäk ɣa nök?”

²⁰Go kɔc juëc wën bëër, “Yïn ala guöp jɔŋrac, yeŋa wïc ye bï yï nök?”

²¹Go Jethu bëër, “Këdit jän göi tök aca looi guokë gai wedhie. ²²Mothith aci we thon bäk miëthkun aa ñoot, ku acie Mothith guöp yen ci wët kënë jök, aa wärkun thëer, ku këya wek a dhök ñoot aköl cii kəc ye luui. ²³Ku ëmën na ñot dhök aköl cii kəc ye luui rin bi löñ Mothith cii dhäl yic, yeñö ye wek puöth riääk tënë ya, rin ci yen raan tök kony bi pial aköl cii kəc ye luui? ²⁴Duökkë raan ye guo tëm awuöc wët köu ayeer, yakë raan tëm awuöc wët ë yic.”

Ye Jethu raan ci löc ku döc?

²⁵Go kəc kök Jeruthalem lueel ëlä, “Cie raan kënë yen wickë bik nök. ²⁶Tiëñkë! Yen kin jam kəc nhiiim, ku acin kë luelkë ë rienke. Tëdë, cii bäny ñic lon ë yen Raan ci löc ku döc? ²⁷Na la Raan ci löc ku döc bën, ka cin raan bi ye ñic të bi yen thün, ku añicku ëbën yen të bii mony kënë thün.”

²⁸Nawën piöcc Jethu luañ Nhialic ke lueel röldit, “Ee tëdë, wek aa ñic ya ku añiekkë yen të bi yen thün. Ku yen akëc bën wëtdië ë rot, ku yeen raan toc ya ala yic ku yeen akuöckë, ²⁹Ku yeen añieç rin bi yen tënë ye, ku yen acä tooc.”

³⁰Gokë wic bik döm, ku acin raan ci yecin tääu yeguöp rin këc akälde guo bën. ³¹Go kəc juëc thän wën yic wëtde gam ku luelkë, “Të bi Raan ci löc ku döc bi kädit jän göi looi cimën ë raan kënë?”

Apuruuk aaci tooc bik Jethu la döm

³²Nawën piñ kəc akut Parathi lon ye kəc juëc wën wëlkä loop kamken rin Jethu, ke keek ku bäny käk Nhialic toc apuruuk luañ Nhialic tiit bik Jethu la döm. ³³Go Jethu lueel, “Yen abi rëer kamkun tëthin-nyöc, ku yen abi la tënë raan yen cä tooc. ³⁴Wek abä wic, ku wek aaci ya bi yök, rin acin të bi wek la të rëer yen thün.”

³⁵Go bäny Itharel lueel kamken, “Bi la dä buk cii ben yök? Ci bi la gæth Girik yiic të ciëñ kəc Itharel thün, ku bi kəc Girik piöcc? ³⁶Aye lueel, wek abä wic ku wek aaci yen bi yök, ku wek aaci bi la të rëer yen thün, yeñö wic bi lueel?”

Kuëer piu ë pür

³⁷Aköl ciëen yen aköl dit nin yai. Akölë, Jethu aci rot jät ku lueel röldit, “Kuat raan nëk rou abi bën tënë ya ku bi dek. ³⁸Cimën ci ye göt athör thëer wël Nhialic yic ëlä, ‘Raan gam wëtdië, kuëer piu ë pür abi rëer yepuöu.’” ³⁹Kënë aci Jethu lueel rin Wëi Nhialic, bi kəc gam wëtde lök yök. Ku tënë, Wëi Nhialic a këc guo gam tënë kəc, rin këc Jethu guo la diekde yic.

Kɔc aaci keyiic tek

⁴⁰Kɔc kɔk kam kɔc wɛn aaci kɛnɛ piŋ ku luelkɛ, “Raan kɛnɛ ɛ raan kɔk Nhialic tiŋ alanden!” ⁴¹Go kɔc kɔk lueel, “Yɛn ɛ Raan ci lɔc ku dɔc!” Ku lueel kɔc kɔk, “Raan ci lɔc ku dɔc aaci bi bɛn pan Galilia! ⁴²Acɪ gɔt athɔr thɛer wɛl Nhialic yic lɔn Raan ci lɔc ku dɔc abɪ ya raan dhiɛnh Debit, ku abɪ dhiɛɛth Bethalem, gen wɔ̄ar ciɛŋ Debit thɪn.”

⁴³Go kɔc wɛn keyiic tek ɛ rienke. ⁴⁴Ku wickɛ bik dɔm, ku acɪn raan ci yecin tɔ̄au yeguɔp. ⁴⁵Nawɛn dhuk apuruuk ciɛɛn tɛnɛ bɔny kɔk Nhialic ku kɔc akut Parathi, gokɛ ke thiɛɛc, “Yɛŋɔ kɛc wek ye bɛɛi?” ⁴⁶Go apuruuk bɛɛr, “Acɪn raan ci kaŋ jam cimɛn ɛ mony kɛnɛ!” ⁴⁷Go kɔc akut Parathi ke thiɛɛc, “Ci we duɔɔŋ aya? ⁴⁸Le raan tɔk kam bɔny, ayɪ kam kɔc akut Parathi ci wɛtde gam cɔk kaŋ piŋ? ⁴⁹Kɔckɔ aa kuc lɔŋ Mothith, ku aa kɔc ci Nhialic lɔm kɛrac.” ⁵⁰Go raan tɔk kam kɔc akut Parathi, raan ci kaŋ la bi Jethu la tiŋ, cɔl Nikodemo lɛk ke, ⁵¹“Na ye lɔŋ ciɛŋ panda, ka cin tɛ bi yɔk raan luɔk wei ke kɛcku kaŋ piŋ thok tuɛŋ, ku ŋicku kɛ ci looi.”

⁵²Gokɛ bɛɛr, “Yiɪn aya, ye raan Galilia? Kuen athɔr thɛer wɛl Nhialic, ku aba ŋic lɔn acɪn raan kɔk Nhialic bɛn Galilia.”

[⁵³Nawɛn ci raan ɛbɛn dhuk paande,

Tiŋ ci kɔl piny ke kɔr

8 ke Jethu la gɔn Olip nhom. ²Nayɔn nhiɔk dur yic ke dhuk luɔŋ Nhialic. Go kɔc ɛbɛn guɛɛr yelɔɔm, ku nyuuc piiny ku jɔk piɔɔc cɔk tɛnɛ ke. ³Go kɔc piɔɔc lɔɔŋ ku kɔc akut Parathi tik bɛɛi, ku ɛ tiŋ ci kɔl piny ke kɔr. Ku cɔlkɛ akɔɔc kɔc nhiim ɛbɛn, ⁴ku luelkɛ tɛnɛ Jethu, “Raan piɔɔc, tiŋ kɛnɛ acɪ kɔl piny ke kɔr. ⁵Mothith acɪ lɔŋ lɛk yo athɔr yic lɔn kuat tiŋ loi kɛcit kɛnɛ, adhil biɔɔk aleel bi thou. Na yiɪn ɛmɛn, ye lueel kɛdɛ?” ⁶Keek aake jam kɛlɔ bik Jethu deep bik wɛt yɔk bik la luɔm. Go Jethu guŋ ku gɛt piny yecin.

⁷Nawɛn ŋot ke kɔɔc ku yekɛ thiɛɛc, ke jɔt yekɔu ku lɛk ke, “Na le raan kamkun cin adumuɔɔm ciɪ kaŋ looi, ke biɔk alel tuɛŋ yeguɔp.” ⁸Ku ben guŋ ku gɛt piny yecin. ⁹Nawɛn cik wɛt kɛnɛ piŋ, ke jiɛl ɛbɛn ke wath rɔt, ku kɔŋ kɔcdit jɔl tuɛŋ, agut tɛ dɔŋ Jethu ɛ rot, ku tiŋ wɛn ke ŋot kɔɔc yenhom. ¹⁰Go yekɔu jɔt ku lɛk ye, “Tɔkɛ tɛno? Cin raan ciɪ dɔŋ bi yi luɔk wei?”

¹¹Go bɛɛr, “Acɪn raan Bɛny.” Go Jethu lueel, “Apath, ke yiɪn acɔ bi luɔk wei aya. Lɔɔr ku duk adumuɔɔm ben looi.”]c

7:42 2Tha 7:12; Mai 5:2 7:50 Jn 3:1-2 8:5 Leb 20:10; L.rou 22:22-24

c 7:53-8:11 Athɔr thɛer juɛc aacie (7:53-8:11) ye mat thɪn. Ku athɔr kɔk ee bɛn Jn 21:24 cɔk, ku kɔk ɛ Lk 21:38. Ku athɔr tɔk ee lɔk bɛn Jn 7:36 cɔk.

Jethu ee mermer pinyinhom

¹²Go Jethu ben jam tēnē kɔc ku lueel, “Yen ē ruel pinyinhom, kuat raan buoth ya abi ruel p̄ir yök, ku aciī bi kaŋ cath muöth yic.” ¹³Go kɔc akut Parathī lēk ye, “Ēmēn, yin ajam ē rienku, ku wēt ca lueel acin kē ye nyuöth.”

¹⁴Go Jethu bēēr, “Acie këya, na cɔk alon jicem yen ē rienkiē, ke wēt lueel ē yic, rin yen aŋic tē bii yen th̄in. Ku wek aa kuc tē bii yen th̄in ayi tē ler yen th̄in. ¹⁵Wek aa wēt teem cimēn wēt raan, ku yen acin raan ya gām awuöc. ¹⁶Ku tē bi yen wēt teem, ke wēt ba teem abi jal a yic, rin acie yen tem wēt, Wä ē toc yen arēēr ke ya. ¹⁷Wēt aci göt lōŋdun yic lon tē lueel kɔc karou wēt tök luk yic, ke wētden ē ya yic. ¹⁸Yen ajam ē rienkiē, ku Wä cā tooc ajam ē rienkiē aya.”

¹⁹Gokē thiēc, “Tö Wuur tēno?” Go Jethu bēēr, “Wek aaciī ya ŋic, ku wek aaciī Wä ŋic. Na we ŋic ya, ŋuöt wek aa ŋic Wä aya.”

²⁰Wēlkä ebēn aaci Jethu lueel wäär piöoc yen luaŋ Nhialic, yōn cī kākken ajuēr t̄su th̄in. Ku acin raan cie d̄om rin kēc akälde guö bēn.

Wek aaciī la tēdiēn ler yen th̄in

²¹Go Jethu ben lēk ke, “Yen abi jāl ku wek abā wic, ku wek aabi thou awäckun yiic. Tē le yen th̄in, acie yen tē bi wek la th̄in.”

²²Tēwēn, ke lueel bāny Itharel, “Aye lueel lon cii yök bi la tē le yen th̄in. Ye ciēt bi rot nök?”

²³Go Jethu bēēr, “Wek aa kɔc piny tēn, ku yen ee raan bö nhial. Wek aa kɔc piny kēnē nhom, ku yen acie raan pinyinhom tēn. ²⁴Ee rin kēnē yen aci yen ye lueel lon bi wek thou adumuömkun yiic. Ku wek aabi thou adumuömkun yiic tē kēc wek ye gam, lon ē Yen tō th̄in, yen ē Yen.”

²⁵Gokē thiēc, “Ye yin ŋa?” Go Jethu bēēr, “Wēt aca lēk we tēwēn jɔk yen wēt cök.^d ²⁶Yen ala wēl juēc ba ke lueel ē rienkun, ku wēl juēc bi yen ke we luök wei. Ku raan cā tooc guöp ala yic, ku yen ē kɔc lēk kuat kē ca piŋ tēnē ye.”

²⁷Gokē kēc deet lon jicem Jethu wēt Wun. ²⁸Go Jethu ben lueel tēnē ke, “Aköl bi wek Manh Raan jat nhial, ka bāk jāl ŋic lon, ‘Yen tō th̄in Yen ē Yen.’ Ku abāk deet yic aya lon acin kē ya looi ruötidiē, ku aa ya ke lueel wēl cī Wä piöoc tēnē ya. ²⁹Ku raan cā tooc arēēr ke ya, ku akēc ya nyääŋ piny yatök, rin ye yen wēt nhieer looi akölaköl.”

³⁰Go kɔc juēc cī Jethu piŋ ke jam ē wēlkä wētde jāl gam.

Kɔc lääu nhiiim ku kɔc aloony

³¹Go Jethu lēk kɔc Itharel cī wētde gam, “Na piŋkē wēl ca piöoc, ke wek aa kɔckiēn buoth ya ayic, ³²ku wek aabi yic ŋic, ku yic abi we wēēr bei.”

8:12 Mt 5:14; Jn 9:5 8:13 Jn 5:31 ^d8:25 Yenö ben yen jam tēnē we.

³³Gokë bëër, “Yok aa kɔc dhiënh Abaram, ku acin kɔc kɔk cii yo kaŋ loony. Ku na luel, ‘Wek aabi wëër bei,’ ke yeŋö wic ba lueel?”

³⁴Go Jethu lëk ke, “Yic alëk we, raan ëbën cä adumuööm looi yen alony adumuööm. ³⁵Alony acie raan mac thok alanden, ku Wät yen ee raan thïn lanayɔn. ³⁶Na ci Wät we wëër bei, ke wek aabi rëer ke cïn loony alanden.

³⁷“Anjɛc lɔn ye wek dhiën Abaram. Ku aŋot wiëckë bāk ya nök, rin piöcidië acäk ye gam. ³⁸Kë ci Wä nyuöth ya yen aya lueel, ku wek aa loi kë ci wärkun lëk we.”

³⁹Gokë bëër tënë ye, “Abaram yen ë wäda.” Go Jethu wët dhuk nhom ku lueel, “Na we miith Abaram alanden, ŋuöt wek aa loi këcīt kë ci Abaram looi. ⁴⁰Këriëc ëbën ca looi ë rin ba we lëk yiny ca piŋ tënë Wä, ku aŋot wiëckë bāk ya nök. Abaram acin kë ci looi cīt këñ! ⁴¹Wek aa loi kë ci wärkun looi.” Gokë lueel, “Nhialic yetök yen ë Wäda, ku yok aa miëthke guöp.”

⁴²Go Jethu bëër tënë ke, “Të ye Nhialic wuurdun guöp, ŋuöt wek nhiaar ya, rin ci yen bën tënë Nhialic, ku ëmën yen atö tën. Yen akëc bën wëtdië ë rot, ee yen acä tooc. ⁴³Yeŋö cii wek kë ya lueel ye deet yic? Ee rin cii wek ye lëu bāk wëtdië piŋ. ⁴⁴Ee jɔŋrac yen ë wuurdun, ku ayakë nhiaar bi ya këñ wuurdun yen yakë looi. Yen ë raan ë tir tēthæer yɔn, ku akëc yic kaŋ lueel rin ye yen alueeth, ku ye wun lueth ëbën. ⁴⁵Yen aluel yic, ku rin ë këñ yen akëc wek ya gam. ⁴⁶Yeŋa kamkun lëu ye bi awuöc nyooth yaguöp rin adumuööm ca looi? Na lueel yic, ke ye rin ŋö cii wek ya ye gam? ⁴⁷Raan bö tënë Nhialic ë wët Nhialic piŋ, wek aacii bö tënë Nhialic, ku yen ë kë cii wek wët bi piŋ.”

Jethu ku Abaram

⁴⁸Go kɔc Itharel bëër tënë Jethu, “Këcku wët yic lueel wën lɔn ë yin raan pan Thamaría, ku jɔŋrac atö yiguöp?”

⁴⁹Go Jethu bëër, “Acin jɔŋrac tō yaguöp, yen ë Wä theek ku wek aa ya dhöl guöp, ⁵⁰Yen acii læcdië wic. Raan wic ye atö thïn, ku ë wët teem bā kony. ⁵¹Wët yic alëk we, raan piŋ wëtdië acii bi thou akölrüëc ëbën.”

⁵²Go kɔc Itharel lëk yen. “Ëmën, aŋicku alanden lɔn tō jɔŋrac yiguöp. Abaram aci thou, ku kɔc kāk Nhialic tiŋ aaci thou aya ku ŋot ye lueel, ‘Raan piŋ wëtdië acii bi thou akölrüëc ëbën.’ ⁵³Abaram wäda aci thou, nadë ye lueel lɔn diit yin tënë Abaram? Ku kɔc kāk Nhialic tiŋ aaci thou aya. Ye tak ye yin ë ŋa?”

⁵⁴Go Jethu bëër, “Na ya ci rot leec, ŋuöt lec këñ acie læc acin. Ee Wä yen ë raan ya leec, ku yeen guöp ayakë lueel ke Nhialicdun. ⁵⁵Yeen


akëckë kaŋ ŋic, ku yeen aŋיע. Na luæl lɔn kuc ʔen ye, ke ʔen abi ya alueth cimëndun, ku yeen aŋיע, ku ʔen ë wëtde looi puðu ëbën. ⁵⁶Wuurdun Abaram aci puðu miet apei lɔn bi yen aköl bëndië tiŋ, aci tiŋ ku aci puðu la yum.” ⁵⁷Go kɔc Itharel lëk ye, “Yin aŋot yi këc ruðññ thiärdhiëc dööt, ku yin ca Abaram tiŋ?” ⁵⁸Go Jethu bëër, “Wët yic alëk we, wäär këc Abaram guɔ dhiëëth, ‘Ke ʔen atö thïn.’” ⁵⁹Gokë aleel kuany bi kek ye biðök, go Jethu rot thiaan ku jiël ʔön Nhialic.

Jethu aci raan ci dhiëëth ke ci cɔɔr kony

9 Tëwën cieth Jethu, ke tiŋ raan ci dhiëëth ke ci cɔɔr. Go kɔcken ye buɔɔth thiëëc, ²“Raan piöc, ye adumuðòm ci ŋa looi cɔl ye adhiëth ke ci cɔɔr? Ye adumuðòmde aye adumuðòm kɔc ke dhiëth ye?”

³Go Jethu bëër, “Kë ci yen cɔɔr acie rin adumuðòm ci looi, ayi rin adumuðòm ci kɔc ke dhiëth ye looi, yeen aci cɔɔr bi riel luɔi Nhialic tiŋ yeguðp. ⁴ʔok aa dhil la tueŋ ʔo lui luɔi raan cä tooc ʔet të ŋot ruel aköl, waköu abö, ku acin raan bi ye lëu bi luui. ⁵Yet aköl ŋoot ʔen pinyñhom, ke ʔen ë ruel tënë kɔc.”

⁶Tëwën ci yen jam këlä, ke ŋuut piny ku nueen tiɔp luëeth, ku rɔɔth tiɔp mony wën nyin, ⁷ku lëk ye, “Lɔɔr lɔk yinyin wär Thiloam.” (Ku



*Ke ŋuut piny ku
nueen tiɔp luëeth,
ku rɔɔth tiɔp mony
wën nyin (9:6)*

wētde yic, “Cī tooc.”) Go mony wën la ku lək yenyin, ku le dhuk ke ye piny tiŋ. ⁸Go kəc akeu nhom ku kəc cī ye kaŋ tiŋ ke lim thiēc, “Cie mony dhie cool nyuc piiny ke lim kënë?”

⁹Go kəc kək lueel, “Ee yeen guöp.” Ku lueel kəc kək, “Acie ye ë raan thöŋ kek ye.” Go mony wën nhom lueel, “Ee yen raan wën guöp.”

¹⁰Gokë thiëc, “Cī rot lëu kädë ba ben daai?”

¹¹Go bëër, “Mony cəl Jethu aci tiöp nueen ku rəoth yanyin ku lək ya, ‘Ləor wär Thiloam ku lək yinyin.’ Guo la, ku kaam wën lək yen yanyin, ke ya tiŋ piny nyin yic.”

¹²Gokë thiëc, “Yen ako?” Go bëër, “Akuöc.”

Akut Parathī awic wēt tē cī cəor kuony thīn

¹³Gokë mony wën cī cəor thəl tənë kəc akut Parathī. ¹⁴Aköl nueen Jethu tiöp ku rəoth raan nyin bi daai, ee ya aköl cīi kəc ye luui. ¹⁵Go kəc akut Parathī mony wën ben thiëc tē cī ye liep nyin thīn. Go lək ke, “Yeen aci tiöp täau yanyin, ku laak yanyin, ku emën alëu ba piny tiŋ.”

¹⁶Go kəc kək akut Parathī lueel, “Raan cī kënë looi aci lëu bi bën tənë Nhialic, rin aci löŋ cīi kəc ye luui thek.”

Go kəc kək lueel, “Lëu kädë bi raan la guöp adumuööm kädit jəŋ göi, cit kakkä, looi?” Gokë keyiic tek kamken.

¹⁷Go kəc akut Parathī mony wën ben thiëc, “Yiin ye lueel lön cī yen yi liep nyin apath, ku yiin ye lueel ye yen ŋa?” Go bëër, “Ee raan kək Nhialic tiŋ.”

¹⁸Ee kəc bəny Itharel gam lön cī yen cəor ku ben nyin kuək, agut tē bi kek kəc ke dhiëth ye cəl, ¹⁹ku thiëckë ke, “Ye manhduon kënë? Ayakë lueel lön cī ye dhiëth ke ye cəor, lëu kädë, bi piny tiŋ?”

²⁰Go wun ku man bëër, “Aŋicku lön ye yen manhda, ku lön cī ye dhiëth ke ye cəor. ²¹Ku akucku tē cī yen piny jəl tiëŋ thīn, yok aa kuc raan cī ye liep nyin aya. Thiëckë, yeen aci dit ku alëu bi kədə bëër ë rot.” ²²Wun ku man aaci jam kälä rin riöc kek bəny Itharel, rin cī kek ye mat lön kuat raan gam Jethu lön ë yen Raan cī ləc ku dəc, ka dhil cuöp wei tən amat kəc Itharel. ²³Rin kënë, yen ë lueel wun ku man ye ëlä, “Yeen aci dit, thiëckë!”

²⁴Gokë mony wën cī dhiëth ke cī cəor ben cəl arak dët, ku lëkkë ye, “Kuëŋ ë Nhialic nhom lön bi yin yic lueel. Aŋicku lön mony kënë ë raan adumuööm.”

²⁵Go mony wën bëër, “Akuöc lön ye yen raan la guöp adumuööm, wēt yen ŋiəc, yen a ya ye cəor ku emën yen ë piny tiŋ.”

²⁶Gokë thiëc, “Yenö cī looi tənë yin? Cī nyiënkü kuek kädë?”

²⁷Go bëër, “Aca lëk we wënthëer, ku acäk ye piŋ. Ye rin ɲö wïc wek wët bäk ben piŋ? Tëdët wiëckë aya bäk ya kocken ye buɔɔth?”

²⁸Gokë lat ku luelkë, “Yin aci ya raanden ye buɔɔth, ɣok aa kɔc Mothith. ²⁹Aŋicku lɔn cī Nhialic jam tënë Mothith, ku na ye monytui, ka cɔkku kuc aya tē bīi yen thīn!”

³⁰Go mony wën bëër, “Kë gēi kɔc akīn! Akuɔckë tē bīi yen thīn, ku yeen guɔp aci nyiënkië liep! ³¹Aŋicku lɔn cīi Nhialic wët kɔc adumuɔɔm ye piŋ, ku yeen ë wët kɔc thek ye ku loikë luɔiden cī lëk ke piŋ. ³²Yontheer cek pinynhom akëc kaŋ piŋ lɔn le yen raan cī dhiëëth ke ye cɔɔr cī kuek nyin. ³³Na cie lɔn bīi raan kënë tënë Nhialic, ka cīi lëu bī kēcīt kënë looi.”

³⁴Gokë bëër, “Yin aci dhiëëth ku muk yī adumuɔɔm yic, ku wïc ba ɣo piɔɔc?” Ku copkë wei tënë amat.

Cöör ë puɔu

³⁵Go Jethu piŋ lɔn cī kek ye cuɔp wei. Nawën yök ke lueel, “Ye wët Manh Raan gam?”

³⁶Go mony wën bëër, “Bëny, lëk ɣa ye ɲa, rin ba lëu ba gam.”

³⁷Go Jethu lëk ye, “Yeen aca tiŋ, ku yen ë raan jam kek yī ëmën.”

³⁸Go mony wën lueel, “Bëny aca gam.” Ku gut yenhiɔl piny Jethu nhom.

³⁹Go Jethu lueel, “Yen aci bën pinynhom tën ba wët teem, rin bī cɔɔr piny tiŋ, ku bī kɔc piny tiŋ jäl cɔɔr.”

⁴⁰Go kɔc kök akut Parathī rëër kek ye wël cī lueel piŋ ku thiëckë, “Ee ciët wïc ba lueel lɔn ye ɣok cöör aya?”

⁴¹Go Jethu bëër, “Na we ye cöör ke wek aa cīn gup awuɔc, ku rin ye wek ye lueel lɔn ye wek piny tiŋ, ke wët kënë aye nyooth lɔn le wek gup awuɔc.”


Kääŋ abiöök

10 Go Jethu lueel, “Wët yic alëk we, raan cie tëek kal amël thok, ku lir nhom tädët, yeen ë cuär, ku ë raan rum kãŋ. ²Ku raan tək kal thok yen abiöŋ amël. ³Raan tit kal abī kal ɲaany thok tënë ye, ku piŋ amël rölde tē cɔɔl yen amälke ë rienken, ku thel ke ayeer. ⁴Ku tē cī ke yäth ayeer, ka cath tueŋ kenhiim ku buɔɔth amël cök rin ɲic kek rölde. ⁵Aaciī raan dët bī buɔɔth cök, aabi kat ye rin kuc kek rölde.”

⁶Kääŋ kënë aci Jethu thäth ke, ku wët lueel tënë ke akëckë deet yic.

Jethu abiöŋ path

⁷Go Jethu ben lueel, “Wët yic alëk we, ɣen ee kal thok tënë amël. ⁸Kɔc kök ëbën cī kaŋ bën ɣanhom tueŋ, aa cuär ku aa kɔc rum kãŋ, ku



Wët yic alëk we, yën ee kal thok tënë amël (10:7)

rölden akëc amël piṅ. ⁹Yen ë kal thok. Raan bö thïn thuṅdië abï luök, yeen abï bën alṅthïn ku ler ayeer, ku yök wel path. ¹⁰Cuär ë bën rin bi cuëer, ku nëk käṅ ku rëc ke. Yen acï bën bik pïr yök, pïrdit alanden.

¹¹“Yen abiöṅ path. Abiöṅ path aye wïc bi thou rin amälke. ¹²Raan lui ariöp ku cie raan abiöök ku cie wun amël, ku tiṅ gəl ke bö, ka päl amël ku ket, bi gəl thuëet amël yiic ku thiëi ke roor. ¹³Raan lui ariöp ë kat rin ë raan lui ariöp ë path, ku aliu puṣu kegup.

¹⁴⁻¹⁵“Yen abiöṅ path. Cïmën ḡic Wä yën ku ḡiëc Wä, këya yën aṅic amälkië ku amälkië aa ḡic ya. Ku awiëc ba thou ë rienken. ¹⁶Amël kök aa tō thïn ku aa kākkië ku aa liu thïn kal kënë yic. Keek aaba bëëi aya, ku aabi röldië piṅ, ku keek aabi ya luṅny tökalinṅ kek raan tōṅ biöök ke.

¹⁷“Wä anhiar ya rin awiëc ba piërdië puḷ rin bi yën ye ben yök. ¹⁸Acïn raan bi piërdië nyaai tënë ya. Yeen aya puḷ wët piändië ë rot. Yen ala riel ba päl wei, ku yën ala riel ba ben lööm.”

¹⁹Go kōc Itharel keyiic ben tek kamken rin ë wëlkä. ²⁰Kōc juëc kamken aa yekë lueel, “Yeen ala guṣp jṅṅrac! Yeen amuṣl! Yeṅö ye wek wëlke piṅ?”

²¹Go kōc kök lueel, “Lëu raan la guṣp jṅṅrac bi jam cïmën yen! Lëu jṅṅrac kädë bi cōr cəl akuek yenyin?”

Kōc Itharel aa kuec Jethu

²²Aköl looi Yan Dōc luṅṅ Nhialic Jeruthalem acï bën, ku piny ë ye mëi. ²³Ku Jethu ë cath puək yic, cəl puək Tholomon tō luṅṅ Nhialic. ²⁴Go kōc Itharel guëer yelōm ku luelkë, “Yet nen bi yïn ṅo cəl arëër ṅo diu puṣth? Lëk ṅo yic la ḡei, ye yïn Raan ci lōc ku dōc?”

²⁵Go Jethu bëër, “Wët aca lëk we ku wek aacie wëtdië ye gam. Luikiën ya looi ë riel Wä, kek ajam ë rienkië. ²⁶Ku wek aacie wëtdië ye gam rin cii wek ye amälkië. ²⁷Amälkië aa röldië piŋ ku keek aŋiec ku keek aa ya buoŋth cök. ²⁸Pir aköriëëc ëbën aya yiëk ke, ku keek aaciï bi kaŋ thou athëer, ku acin raan lëu ye bi ke rum tënë ya. ²⁹Kë ci Wä yiëk yen awär këriëëc ëbën, ku acin raan lëu ye bi ke rum Wä cin. ³⁰Wä ku yen yok aa tök.”

³¹Go kɔc Itharel aleel ben kuany bik biöök. ³²Go Jethu lëk ke, “Luoi puoŋth juëc ci Wä yiëk yen ba ke looi, aa ca looi wenhiim, ye luoi töŋ nen kamken yen wic wek ye bäk ya biöök aleel?”

³³Go kɔc Itharel bëër, “Yin acuk wic buk yi biöök aleel rin luoi path, ku ë rin ye yin Nhialic dɔl guöp. Yin ë raan ë path, ku wic ba rot looi ba ya Nhialic!”

³⁴Go Jethu bëër, “Acï göt löŋdun yic guöp lɔn ci Nhialic ye lueel, ‘Wek aa Nhialic.’ ³⁵Aŋicku lɔn wët ci göt athör wël thëer Nhialic yic ë yic alanden, ku kɔckä aci Nhialic cɔl, ‘Nhialic,’ kɔc ci Nhialic thön wëtde. ³⁶Ku na yen, ke Wä cä cɔl ku tuuc ya pinynhom, ku ye këdë ye wek ye lueel lɔn ci yen Nhialic dɔl, ye rin ci yen ye lueel lɔn ye yen Wën Nhialic? ³⁷Duökkë wëtdië gam të cii yen luoi Wä loi. ³⁸Ku na ya ke looi, ku cɔk alɔn cii wek wëtdië gam, ke we dhil luikië gam, bäk ŋic alanden lɔn Wä arëër kek ya ku yen atö Wä yic.”

³⁹Gokë wic bik dɔm, go ke käl nyin.

⁴⁰Go Jethu ben dhuk ciëen wär Jordan alɔŋtui tëwäär ye Joon kɔc muɔɔc nhiim thin, ku rëer thin tëën. ⁴¹Go kɔc juëc bën tënë ye ku luelkë, “Joon akëc käril looi, ku këriëëc ëbën ci lueel rin ë mony këne aaci ya yith.” ⁴²Ku gam kɔc juëc wëtde ë tënë.

Thon Ladhäro

11 Raan cɔl Ladhäro, ku ë rëër Bethanï, ëci tuaany. Bethanï ë gen rëër Maria thin kek nyankën cɔl Martha. ²Maria këne yen ë nyan wäär ci Bänyda tɔc cök miök ŋir, ku wuuny ke nhiëmke. Ku ë mënhë Ladhäro yen ëci tuaany. ³Go nyiërakën wët tuɔc Jethu, “Bëny, mäthdun nhiar aci tuany.”

⁴Nawën piŋ Jethu ke lueel, “Tuëny këne aaciï Ladhäro bi nök, këne aci rot looi bi Nhialic leec thin. Ku yen ë të bi Wën Nhialic læc yok thin.”

⁵Ku Jethu ë nhiar Martha kek nyankën ku Ladhäro. ⁶Nawën cɔk piŋ lɔn ci Ladhäro tuaany, ke näk nin karou tëwën rëer yen thin. ⁷Ku jɔl lëk kɔc ye buoŋth, “Benku dhuk ciëen pan Judia.”

⁸Go kɔc ye buɔɔth lueel, “Raan piöoc, wäär emën thiöök, ee wïc kɔc Itharel bik yï biöök aleel, ku ye wïc emën ba ben dhuk thïn?”

⁹Go Jethu bëër, “Akäl tök cï yic la aköl ku waköu? Të cieth raan ke ruel dit ke yeen acie köth, rin ala ruel yen piny tiñ. ¹⁰Ku na cieth waköu ka köth, rin liu ruel tënë ye.” ¹¹Jethu aci wëlkä lueel ku met dët thïn, “Mäthda Ladhäro aci nïn wit, ku yen ala ba la puöc.”

¹²Go kɔc ye buɔɔth lueel, “Bëny, na cï nïn ka bi ñuëën.”

¹³Ku wët wïc Jethu bi lëk ke ë lɔn cï Ladhäro thou. Gokë tak lɔn jjeem yen wët nïn ë path. ¹⁴Go Jethu gai yic tënë ke, “Ladhäro aci thou, ¹⁵ku yen aci puöu miet ë rienkun ba këc rëer kek ye, rin bäk gam. Jɔlku la tënë ye.” ¹⁶Go Thomath, cɔl Acueek, lëk atuuc, “Lokku yodhie kek Raan piöoc, rin buk la thou kek ye.”

Jön rot ku pïr aabö tënë Jethu

¹⁷Nawën yet Jethu ke yök lɔn cï Ladhäro thiök ka la nïn kañuan rañ yic. ¹⁸Bethanï amec kek Jeruthalem təcit tën meel karou, ¹⁹ku kɔc juëc Itharel aake cï bën bik Martha kek Maria bën dëet puöth, rin wämënhden cï thou.

²⁰Nawën piñ Martha lɔn biï Jethu, ke la ayeer bi la röm kek ye, ku döñ Maria bei. ²¹Go Martha lëk Jethu, “Bëny, na yï tö thïn, ñuöt wämääth akëc thou. ²²Ku añiec lɔn na cɔk amën ke Nhialic abi këriëëc ëbën ba thiëëc ye, gäm yï.”

²³Go Jethu lëk ye, “Wämuuth abi rot jɔt bi pïr.”

²⁴Go Martha bëër, “Añiec lɔn bi yen rot jɔt bi pïr aköl ciëën.”

²⁵Go Jethu lëk ye, “Yen ë jön rot ku pïr. Raan gam wëtdië, na cɔk alɔn thou yen ka bi pïr. ²⁶Ku kuat raan pïr ku gem wëtdië acii bi kañ thou. Ca kënë gam?”

²⁷Go lueel, “Ee këya, Bëny. Aca gam lɔn ye yïn Raan cï lɔc ku dɔc, Wën Nhialic, bi dhiel bën pinyinhom.”

Jethu adhiu

²⁸Nawën cï Martha wëlkä lueel, ke dhuk ciëën ku cɔl nyanakën Maria amääth ku lueel, “Raan piöoc atö tën ku awïc yï.” ²⁹Nawën piñ Maria wët kënë, ke jɔt rot ku lɔc la ayeer bi la röm kek ye. ³⁰Ku Jethu ë ñot këc yet baai, a ñot rëer tëwën rëm yen thïn kek Martha. ³¹Go kɔc Itharel wën rëer yööt kek Maria rin bik dëet puöu, buɔɔth cök, wën tiñ kek ye ke cï rot jɔt ku ben yeköu ayeer. Ee cik tak lɔn ler yen rañ nhom bi la dhiu thïn.

³²Wën yeet Maria tëwën rëer Jethu thïn, ke cuet rot piny yecök ku lueel, “Bëny, na yï tö thïn tën ñuöt wämääth akëc thou.”

³³Nawën tiŋ Jethu ke dhiau, ku kɔc Itharel awën ruɛc ye ke dhiau aya, go keŋ yepuɔu ku ŋeer yic apei. ³⁴Go ke thiëc, “Cäk thiök tēno?” Gokë lueel, “Bëny, bäär ba tiŋ.”

³⁵Go Jethu dhiau. ³⁶Go kɔc Itharel lueel, “Tiëŋkë tē nhieer yen ye thīn.”

³⁷Go kɔc kök kamken lueel, “Acī raan cī cɔɔr liep nyin, këc looi? Ku yeŋö këc yen Ladhäro kuöny bei thou yic?”

Ladhäro acī ben pīr

³⁸Go Jethu yic ben ŋeer apei ku ler raŋ nhom, ku raŋ ëcī wec kuur yic, ku kuurdit acī tāäu yethok. ³⁹Go Jethu ke yōök, “Nyaaikë kuur.”

Go Martha, nyanakën raan cī thou bëër, “Bëny, acī nhiany. Nīn cī ye thiök aa ŋuan.”

⁴⁰Go Jethu lëk ye, “Këc lëk yī lɔn bī yīn lec Nhialic tiŋ tē gëm yīn?” ⁴¹Gokë kuur laar wei. Go Jethu yenyin ŋäär nhial ku lueel, “Wä yīn alɛɛc rin ye yīn ɣa piŋ, ⁴²ku aŋɛc lɔn ye yīn ɣa piŋ akölaköl, ku aluɛɛl rin bī kɔc tō thīn tēn ye gam, lɔn cī yīn ɣa tooc.”

⁴³Kaam wën cī yen wëlkä lueel ke cöt röldit, “Ladhäro, bäär ayeer.” ⁴⁴Go bën ayeer ke cī duut cök ku cin alanh thiëkthiëk, ku acī der nyin alath. Go Jethu lëk ke, “Däkkë ku calkë acath.”

Amat nëk Jethu


(Mt 26:1-5; Mk 14:1-2; Lk 22:1-2)

⁴⁵Go kɔc juëc Itharel cī bën bik Maria bën neem, kë cī Jethu looi tiŋ, ku gamkë wëtde. ⁴⁶Ku dhuk kɔc kök ciëen kamken tēnë kɔc akut Parathī, bik kāk cī Jethu looi la lëk ke.

⁴⁷Go kɔc akut Parathī ku kɔc kāk Nhialic mat kek bëny luk, ku luelkë, “Buk ŋö looi? Mony kënë ee luɔi ril apei looi! ⁴⁸Na päлку bī la tueŋ këlä, ke kɔc ëbën abī wëtde gam, ku bäny Roma aabī bën bik luaŋ Nhialic thuör piny ku reckë panda.”

⁴⁹Go Kaipa yen ye raandit kɔc kāk Nhialic ë ruöŋn kënä lueel, “Wët tök akuöckë! ⁵⁰Cäk ye tiŋ lɔn aŋuëën tēnë we bī raan tök thou rin kɔc, tēn tē bī wuönda riääk ëbën?” ⁵¹Ku akëc wët kënä lueel piände ë rot, ku ë rin ye yen raandit kɔc kāk Nhialic ë ruöŋn kënä. Ku ë luel kāk tueŋ bī röt looi lɔn bī Jethu thou rin thän Itharel, ⁵²Ku acie rienken kepëc, abī thou aya bī mīth Nhialic cī thiëi pinynhom kuööt yiic bik aa tök.

⁵³Jɔɔk aköl kënä ke bäny aake guir bik Jethu nök. ⁵⁴Këya, go Jethu këc ben acath ë path kam kɔc pan Judia, ku jiël bī la gen cɔl Epraim tēthiök ke ror, ku rëer thīn kek kɔc ye buɔɔth.



*Go bën ayeer ke cì duut cök ku cin
alänh thiëkthiëk, ku acì der nyin
alath (11:44)*

⁵⁵Ku Yan Ayum cìn yic luwi kəc Itharel ëci thiök, go kəc juëc jäl bääiken yiic bik la Jeruthalem, bik kəc wuuny kek kegup yandit nom tuej la looi. ⁵⁶Gokë Jethu wïc, ku thiëckë röt kamken wën cì kek guëër luaj Nhialic, “Yeñö yakë tak? Bi bën yai yic, kua cii bi bën?” ⁵⁷Ku kəc käk Nhialic ku kəc akut Parathï aake cì wët lueel, lön raan njic tē rëër Jethu thïn adhil wët lëk ke, ku bi döm.

Maria acì tē theek yen Jethu thïn nyuwoth

(Mt 26:6-13; Mk 14:3-9)

12 Nin kadätem Yan Ayum cìn yic luwu nom tuej, ke Jethu la Bethanï, pan ciëñ Ladhäro thïn, raan wäär cì jöt bei thou yic. ²Gokë miëth guir tënë ye, miëth cì Martha bën luwi thïn apeï. Ku Ladhäro atö kam kəc ke rëër thïn aya. ³Go Maria karjac cì thiän miök njir cöl naar, ye ywoc wëü juëc lööm, ku puk Jethu cök ku wuuny nhimken nom. Go anjir miök yöt rum yic ëbën. ⁴Go raan tök kam kəc Jethu buwoth, cöl Judath Ithkariöt, raan bi ye luom lueel, ⁵“Yeñö kəc miök njir kënë yaac wëü juëc wär wëü ye döm raan tök, ku yik ke kəc njöñ?” ⁶Ku ëcie rin nhiër kəc njöñ yen lueel yen kënë, ee rin ye yen cuär, ee ye wëü akut muk, ku ë ye rot kony thïn.

⁷Go Jethu lueel, “Pälkë, calkë amuk miök rin aköl bī ya thiök. ⁸Kɔc n̄ɔŋ aabi rēer thīn akōlaköl kek we, ku ʔen aciī bī rēer kek we akōlaköl.”

⁹Go kɔc juēc Itharel jāl ŋic lɔn tō Jethu Bethani, gokë la thīn, ku acie rin Jethu yetök, ee rin bik Ladhäro la tiŋ aya, raan wäär cī Jethu jɔt kam kɔc cī thou. ¹⁰Go kɔc kāk Nhialic wēt mat yic bik Ladhäro nök aya, ¹¹rin wēt Ladhäro yen aye kɔc juēc Itharel bānyken puöl ku gamkë wēt Jethu.

Jethu aci la Jeruthalem ke ciēm yai

(Mt 21:1-11; Mk 11:1-11; Lk 19:28-40)

¹²Nayɔn nhiääk dēt ke akutdīt kɔc cī bēn Yan Ayum cīn yic luɔu yic, piŋ wēt lɔn biī Jethu Jeruthalem. ¹³Gokë ayör agēp lööm, ku lek bik la lor, ku ketkë ëlä,

“Lec tēnē Nhialic!

Nhialic dɔc raan bö rin Bēny!

Nhialic dɔc Bēny Itharel!”

¹⁴Go Jethu akaja yök ku nyuuc yeköu, cit tē cī gät ye athör theer wël Nhialic yic,

¹⁵“Duökkë riöc kɔc Itharel! Yen kīn, Bānydun abö, ke cī nyuc akaja köu.”



Gokë ayör agēp lööm, ku lekkë bik la lor (12:13)

¹⁶Ku kääkä aake kéc kacken ye buo̯th deet yiic, nawën cī Jethu rot jot ke lec, ke jolkë ɲic lɔn cī kääkä gõt athör theer wël Nhialic yic, ku lɔn cī kek kääkä looi tënë ye.

¹⁷Ku kɔc juëc ke rëër thïn wäär cī Jethu Ladhäro caal ayeer raɲ yic, ku jot kam kɔc cī thou, aake kë cīk tiɲ tët kɔc. ¹⁸Ku rin wët kënë aya yen aa lor kɔc juëc ye, rin cī kek luɔdidit jāɲ gōi cī looi piɲ. ¹⁹Go kɔc akut Parathī lueel kamken, “Cäk ye tiɲ lɔn cīn yen kë yökku thïn. Tiëɲkë, aye thei ëbën buo̯th cök.”

Kɔc Gīrīk kök aa wīc Jethu bīk tiɲ

²⁰Kɔc Gīrīk kök aake tō kam kɔc cī la Jeruthalem bīk Nhialic la door thïn. ²¹Gokë bën tënë Pilipo, raan Galilia pan Bethaida ku luelkë, “Bëny, yok aa wīc Jethu buk tiɲ.”

²²Go Pilipo wët lëk Andria, ku lekkë karou tënë Jethu bīk la lëk ye. ²³Go Jethu bëër, “Ëmën, aköl bī Manh Raan ya leec apeɪ acī guɔ yëët. ²⁴Wët yic alëk we, nyin rap ë rëër ke ye tøk ë path, të kéc ye tääu tiɔp yic bī ciët kë cī thou. Na le yic pät bī ciët kë cī thou, ka jɔl luɔk mīth juëc. ²⁵Raan nhīar piërde, abī muör ku raan man piërde pinynhom tën abī muk tënë pīr akölrīëc ëbën. ²⁶Kuat raan wīc ye bī yēn luö̯i ka dhil ya buo̯th cök, rin tē rëër yēn thïn, aluɔnydië abī rëër thïn aya, ku Wä abī kuat raan luui ya leec.

Jethu ajam wët Thuɔnde

²⁷“Piändië arem ëmën, ku ba ɲō lueel? Ba lueel, ‘Wä, duk kërɛɛc tit ya cɔl abö?’ Ku kënë ë yen cī yēn bën thïn, rin ba arɛem aköl kënë thöl. ²⁸Wä, cɔl rienku alec!”

Go röl jam nhial ku lueel, “Aca cɔl alec ku aba ben cɔl alec.”

²⁹Go kɔc ke kääc thïn tēën röl piɲ ku luelkë, “Deɲ acī mär.” Go kɔc kök lueel, “Atuny Nhialic acī jam tënë ye.”

³⁰Tēënë, go Jethu lëk ke, “Ee cie tënë ya yen jīɛem röl kënë, ee rienkun. ³¹Ëmën, ë tē bī luk teem tënë kɔc tō pinynhom, ku bëny jakrɛc abī cuɔp wei. ³²Tē cī ya jat nhial, ke yēn abī kɔc ëbën miëët tënë ya.” ³³Ku wën lueel yen kënë, ke wīc bī nyuo̯th yen tē bī yen thou thïn.

³⁴Go akut bëër tënë ye, “Wët cī gõt athör yic ë yok lëk lɔn bī Raan cī lɔc ku dɔc, pīr akölrīëc ëbën. Na yīin lëu kädë ba lueel lɔn bī Manh Raan jat nhial? Ku yeɲa yen Manh Raan?”

³⁵Go Jethu bëër, “Aɲoot tēthin nyɔɔt bī ruel rëër kamkun. Lakkë tueɲ dhöldun yic ëmën tōu ruel tënë we bī muö̯th we cīi döt, rin raan cath

muöth yic akuc të ler yen thïn. ³⁶Gamkë ruel ëmën ηoot yen kek we, rin bāk aa kōc ruel.” Tëwën cī Jethu wēlkā lueel ke la ayeer ku thiεn rot tēnē ke.

Kōc Itharel aa kuc ë gam

³⁷Na cōk amēn cī yen luoi rilkā ëbēn looi kenhīim guōp, ke keek aa kēc wētde gam, ³⁸bī wēt cī Ithaya, raan kāk Nhialic tīη kaj lueel thēer yenhom tiεη, wētde wāär lueel ëlä,

“Bēny, yeηa cī wēt cuk lēk kōc gam?

Yeηa cī Bēny nyuōth riel?”

³⁹Ku rin ë kēnē acīn të bī kek gam, rin wēt kēnē aya, acī Ithaya lueel ëlä,

⁴⁰“Acī Nhialic dhōny nyīn, ku mēr kepuōth.

Bik kāη cīī tīη kenyīn, ku cik wēt det kepuōth.

Bik rōt wēl yeη ku ba keek kony.”

⁴¹Ithaya acī kēnē lueel rin cī yen lēc Jethu tīη ku jīεem rīenke.

⁴²Ku ëmēn aya, ke bāny kōc Itharel aake cī wēt Jethu gam, ku akēckē lueel kōc nhīim, rin riōc kek kōc akut Parathī bik ke cīī cop wei tēn amat. ⁴³Aake lēc kōc nhiaar tēnē lēc Nhialic.

Jethu abī luk looi tēnē kōc ëbēn

⁴⁴Go Jethu lueel rōldīt kōc nhīim, “Raan gam wētdiē acie wētdiē rot yen ye gam, ee wēt raan toc ya gam aya. ⁴⁵Ku raan tīη ya, ka tīη raan cā tooc aya. ⁴⁶Yeη acī bēn cīmēn ruel pinynhom, bī raan ëbēn gam wētdiē cīī ben rēer muöth yic. ⁴⁷Raan piη wētdiē ku cīī lōk looi, ke yeη acīn wēt ba tēm ye, rin kēc yeη bēn ba kōc pinynhom bēn luk, yeη acī bēn ba ke bēn pīr. ⁴⁸Raan kuc ë ya ku cīī wētdiē gam, raan bī ye tēm awuōc abī tō thïn, ku wētdiēn ca lēk kōc abī ye luk akōl ciēn. ⁴⁹Ku ë kēya, rin kēc yeη jam wēt piāndiē rot, ku ë Wā Acīēη toc ya, yeη acī ya thōn kē ba dhiel lueel ku jaam ë yic. ⁵⁰Ku aηīec lōn ye wētde pīr akōlriēc ëbēn bēēi. Kāk ya lueel aa kāk cī Wā nyuōth ya ba ke lueel.”

Jethu acī kōcken ye buōth lōk cōk

13 Ee ye akōl Yan Ayum cīn yic luōu nhom tuēη. Go Jethu ηic lōn cī akōl jīel yen pinynhom tēn jāl bēn, ku bī la tēnē Wun. Yeēn acī kōcken rēer pinynhom nhiaar alanden, ku nhīεer ke yet të bī wēt thōk.

²Jethu ku kōcken ye buōth aake cī nyuc bīk miēth thēi cam. Ku jōηrac ēcī wēt tāau Judath, wēn Thaimon Ithkariōt puōu, bī Jethu gaany.

³Go Jethu ηic lōn cī Wun riel ëbēn tāau yecin, ku ë ηic lōn cī yen bēn

tënë Nhialic, ku ë ben dhuk tënë ye. ⁴Go rot cuot wei tëwën mīth kek thīn ku dëk alanh kōu, ku ruk alanh wuōny ye aṇum. ⁵Ku jol pīu puōk aduōk yic ku lōk kōcken ye buōth cōk, ku wuuny ke alanh wuōny wën cī ruōk ye aṇum. ⁶Ku jol bēn tënë Thaimon Pīter, go Pīter lēk ye, “Ye yīn bā lōk cōk, Bēny?”

⁷Go Jethu bēer tënë ye, “Ke luōi aciī ye deet yic emēn, ku aba lōk deet yic.”

⁸Go Pīter lueel, “Yīn aciī ya bī kaṇ lōk cōk acīn.” Go Jethu bēer, “Na cā yī lōk cōk, ke yīn acīn tē bī yīn ben a raandiē.”

⁹Go Thaimon Pīter lueel, “Bēny, na ye këya ke yī duk ya lōk cōk ë rot, lōk yacin ku yanhom aya.”

¹⁰Go Jethu lueel, “Raan cī laak acīn guōp acuol, ku abī yecōk lōk rot. Wek aa yer ëbēn, ke raan tōk kamkun yen aciī yer.” ¹¹Jethu ë ḡic raan bī ye gaany, yen ë lueel yen ye ëlä, “Wek aa yer wedhie, ke raan tōk yen aciī yer.”

¹²Nawën cī Jethu ke lōk cōk, ke ben alanhde ruōk ku nyuuc tēden wën rēer yen thīn, ku thiēc ke, “Cāk kāk ca looi tënë we emēn deet yiic? ¹³Wek aa ya cōl raan piōoc ku Bēny, ku yeen apath bāk looi këya, rin ë ya. ¹⁴Yen ë Bēny ku Raan piōoc tënë we, ku ḡot we laak cōk. Ke week aya, wek aabī wecōk lōk kamkun, ḡek kek ḡek. ¹⁵Wēt path aca nyuōth we, bāk looi cīmēn cī yen ye looi tënë we. ¹⁶Wēt yic alēk we, acīn alony dīt tënë bānyde, ku acīn atuny dīt tënë raan toc ye. ¹⁷Emēn ḡic wek wēt yic kënë, tē looi wek ye, ke miēt puōu dīt abāk yōk thīn.

¹⁸“Yen aciī jam ë rienkun ëbēn, yen aṇic kōc ca kuēny bei. Ku wēt cī ḡōt athōr theer wël Nhialic yic ëlä, ‘Raan mīth yok aduāṇ tōk yic acie nhom wël ya,’ adhil yenhom tiēḡ. ¹⁹Wek aa lēk wēt kënë emēn ke kēc rot guō looi, rin akōl bī yen rot looi ka bāk jāl gam lōn, ‘Ye Yen Yeen.’ ²⁰Wēt yic alēk we, raan lor raan ca tooc, acā lor aya, ku raan lor yen ka lor raan toc yen aya.”

Kë cīn Judath puōu aci lueel

(Mt 26:20-25; Mk 14:17-21; Lk 22:21-23)

²¹Nawën cī Jethu wëlkä lueel, ke ḡeer yic ku lueel, “Wēt yic alēk we, raan tōk kamkun abī ya gaany.”

²²Go kōc ye buōth kenyīn liāāth kamken ke cī nhīim la dīl apēi wēt ye lueel. ²³Ku raan tōḡ nhīer Jethu kam kōc ye buōth, ëcī nyuc Jethu lōōm, ²⁴go Pīter niēu nyīn ku lueel, “Thiēc, ye raan nēn yen jīēm yen rienke.”

²⁵Go atuny kënë rot cuōt Jethu ku thiēc, “Bēny, ye yen ë ḡa?”

²⁶Go Jethu bëër, “Ee raan bi yen ayup luöt kada yic ku yiëk ye.” Ku lööm ayum ku lut kada yic ku yik Judath, wën Thaimon Ithkariöt. ²⁷Tëwën lööm Judath ayup, ke çorac go la yeguöp. Go Jethu lëk ye, “Kë wic ba looi, lóc looi.” ²⁸Ku acin raan kam kóc ke mith kek ye ci wët deet yic, ye rin nõ yen jicem Jethu këya tënë ye. ²⁹Ku rin yen Judath yen wëëuken muk, ke ci kacken kök tak lon ci Jethu ye lëk ye bi la çoc kä wickë rin yai, tädë ke ci lueel bi kóc nõj muçc.

³⁰Ku kaam wën lööm Judath ayup, ke la ayeer. Ku ë ye waköu.

Lõj Yam

³¹Wën ci Judath jäl, ke lueel Jethu, “Ëmën læc Manh Raan aci nyuöth kóc, ku læc Nhialic aci nyuöth kóc ë ye. ³²Ku të ci læc Nhialic nyuöth kóc ë ye, ke Nhialic abi læc Manh Raan nyuöth yeguöp, ku abi lac looi nyin yic. ³³Miëthkië, yen aci bi rëer kek we apei. Wek abä wic, ku alëk we ëmën yen wët ca lëk kóc Itharel, ‘Acin të bi wek la të ler yen thin.’ ³⁴Lõj yam ayiëk we, nhiarkë röt kamkun, cimën ci yen we nhiaar, këya, ke wek aa dhil röt nhiaar kamkun. ³⁵Na nhiarkë röt kamkun ka bi njic kóc ëbën lon ye wek kockiën ya buçth.”

Piter ajei Jethu

(Mt 26:31-35; Mk 14:27-31; Lk 22:31-34)

³⁶Go Thaimon Piter thiëc, “Na yin lordë Bëny?” Go Jethu bëër, “Të ler yen thin acin të buçth yin çacök ëmën, ku yin abä buçth aköldä.”

³⁷Go Piter thiëc, “Bëny, yejõ cii yen ye lëu ba yi buçth ëmën? Atöu yapuöu ba thou ë rienku.”

³⁸Go Jethu bëër, “Lëu ba thou alanden ë rienkië? Wët yic alëk yi. Të not këc thon ajith kiu, aba lueel arak diäk lon kuc yin ya.”

Jethu ee dhël la tënë Wun

14 Go Jethu lëk ke, “Duökkë diær ku rëerkë we rac puöth. Gamkë Nhialic ku gamkë ya aya. ²Pan Wä ala yic yööt juëc, ku yen ala ba piny la guir tënë we. Na cie yic wët këne, nuöt akëc lëk we. ³Ku të ci yen la ba piny la guir tënë we, ke yen abi dhuk ba we mat tedië rin bæk rëer të töu yen thin. ⁴Ku dhël bi wek yet të le yen thin anjeckë.”

⁵Go Thomath lëk ye, “Bëny, çok aa kuc të le yin thin, ku buk dhël bi yok yet të tö yin thin njic këdë?”

⁶Go Jethu bëër tënë ye, “Yen ee dhël ku yic ku pir, acin raan la tënë Wä të cii yen rienkië.” ⁷Ku lëk ke, “Ëmën ci wek ya njic, ke wek aabi Wä njic aya, ku ëmën yet tuej, anjeckë ku acäk tij.”

⁸Go Pilipo lueel, “Bëny, nyuõth ɔ Wuur, yen ee kë wicku yetök.”

⁹Go Jethu bëër, “Yen aci ceɲ apeɪ kek we, ku yin aɲot yi këc ɣa ɲic, Pilipo? Raan cä tiɲ, aci Wä tiɲ aya. Yenõ è yin ye lueel, ‘Nyuõth ɔ Wuur?’ ¹⁰Këc gam yin Pilipo, lɔn rëer yen Wä yic ku Wä ɣayic?” Ku jɔl Jethu lëk kɔcken ye buoɓth, “Wël ca lëk we aacie wël bö bei tënë ɣa. Wä rëer ɣayic, yen è luɔide looi. ¹¹Gamkë wëtdië lɔn rëer yen Wä yic ku lɔn tō Wä ɣayic. Na liu gam ke gamkë rin luɔikië. ¹²Wët yic alëk we, raan gam wëtdië abɪ luɔi ya looi a looi, ku tädët abɪ luɔidit tënë luɔidië a looi, rin ler yen tënë Wä. ¹³Ku këriëc ëbën bäk thiëc è rienkië aba looi, rin bi læc Wun nyuɔɓth rin Wënde. ¹⁴Të thiëc wek këdäɲ è rienkië, ka ba looi.

Athön bi Wëi Nhialic bën

¹⁵“Na nhiarkë ɣa, ke we piɲ lōɲkië. ¹⁶Yen abɪ Wä thiëc ku abɪ we yiëk raan dët kɔc kony, ku ye Wëi è yic bi rëer kek we akölrïëc ëbën. ¹⁷Acin tē bi kɔc pinynhom ye gam, rin acik lëu bik tiɲ ku cik lëu bik ɲic. Ku yeen aɲieckë rin yen adōɲ kek we ku aciëɲ kek we.

¹⁸“Wek aacä bi puɔl wepëc, ɣen abɪ dhuk tënë we. ¹⁹Aɲoot tēthin-nyɔɓt ku kɔc pinynhom aaciɪ ɣa bi ben tiɲ ku wek aabä tiɲ, ku rin piir ɣen, ke wek aabi pir aya. ²⁰Të ler aköltui bën ka bäk ɲic lɔn tō ɣen Wä yic ku lɔn rëer yen weyiic.

²¹“Raan gam lōɲkië ku looi ke, yen è raan nhiaɪ ɣa. Ku raan nhiaɪ ɣa abɪ Wä nhiaar, ku yeen aba nhiaar aya, ku ɣen abɪ rot nyuõth ye.”

²²Go Judath lueel, ku yeen acie Judath Ithkariöt, “Bëny, bi rot lëu këdë ba rot nyuõth ɔ ku ciɪ rot nyuth kɔc pinynhom?”

²³Go Jethu bëër tënë ye, “Raan nhiaɪ ɣa, ka piɲ wëtdië ku yeen abɪ Wä nhiaar, ku ɣok aabi bën tënë ye ɣok Wä buk pir kek ye. ²⁴Raan ciɪ ɣa nhiaɪ acie wëtdië ye piɲ. Wët cäk piɲ tënë ɣa acie wëtdië, ee wët bö tënë Wä raan toc ɣa.

²⁵“Wëlkä aaca lëk we ëmën ɲoot ɣen kek we. ²⁶Ku raan kɔc kony, Wëi Nhialic bi Wä tuɔc è rienkië yen abɪ we piɔc këriëc ëbën ca lëk we.

²⁷“Dōɔr aya nyään piny ke we, ku dōɔrdië guɔp ayiëk we. Acä ye gäm we cimën ye kɔc piny ye yiëk kɔc. Duɔkkë yiic ɲëer ku duɔkkë riɔc. ²⁸Acäk piɲ ke luæl tënë we ëlä, ‘Yen ajiël ku ɣen abɪ la dhuk tënë we.’ Na nhiarkë ɣa ke wek aabi puõth miet rin ler ɣen tënë Wä, rin adit tënë ɣa. ²⁹Kënë aca lëk we ëmën ke ɲot këc rot guɔ looi, na le rot looi ke bäk gam. ³⁰Acä lëu ba jam apeɪ kek we ëmën, rin jɔɲ pinynhom abö. Ku yeen acin riel tënë ɣa. ³¹Ku adhil kɔc pinynhom ɲic lɔn nhiaer ɣen Wä, yen è rin ye ɣen këriëc ëbën ye thön ɣa looi.

“Bäk, jiëlku tën.

Jethu yen abiëny yic

15 “Yen abiëny yic ku Wä ë raan dom, ²yen ee kuar kër cie luok tö yaköu teem wei, ku teem kuar kër luok nhom, rin bi nyac bi njac luok apej. ³Wek aaci jäl piath rin piöoc ca yiék we. ⁴Rëërkë akut yic kek ya, ku yen abië reër akut yic kek we. Kër acie luok ë rot, alëu bi looi të reër yen abiëc yic. Këya, acäk lëu bäk luok të ciï wek reër yayic.

⁵“Yen abiëc ku wek aa kër. Raan reër yayic ku yen yeyic abië luok apej, rin week acin kë lëukë bäk looi të liu yen tënë we. ⁶Raan cie reër yayic ka ya cuat wei cimën kër tim ku bi riel, ku kuar kërka aabi kuööt yiic ku cuet ke mæc të bi kek dëp thin. ⁷Na reërkë yayic, ku reër wëlkië wepuöth ke këriëc ëbën bäk thiëc ku wiëckë, ka bäk yök. ⁸Lec Wä aye nyuöth të lok wek apej, ku këya, ke wek aabi ya kockiën ya buöth. ⁹Wek aa nhiaar cimën nhiëer Wä yen, reërkë nhiërdië yic. ¹⁰Na thekkë lööŋkië ke wek aabi reër nhiërdië yic cimën ci yen lööŋ Wä buöth yiic, ku reër nhiërde yic.

¹¹“Kënë aca lëk we, bi miet puöu tö tënë ya tau wepuöth aya, ku bi miet piändu thääp ë dit. ¹²Ku löŋdië akïn, nhiarkë röt cimën ci yen we nhiaar. ¹³Nhiërdit tet lëu raan bi yiék mähthe, ee gem wëike ë rienken. ¹⁴Ku wek aa mähthkië të looi wek käk ca lëk we. ¹⁵Wek aacä bi ben cööl aloony, rin alony akuc käk ye wun baai looi. Ku wek aaya cööl mähthkië, rin ci yen këriëc ëbën ca piŋ tënë Wä nyuöth we. ¹⁶Aacie wek cä loc, ee yen aci we loc, ku wek aaca tooc bäk la bäk la luui apej, luui bi döŋ athëer. Ku Wä abi këriëc ëbën cäk thiëc ë rienkië yiék we, ¹⁷kë thön we akïn, nhiarkë röt kamkun.

Män koc pinynhom

¹⁸“Na man koc pinynhom we, ke dhiekkë tak lon ci kek ya kaŋ maan. ¹⁹Na we koc pinynhom, ke koc pinynhom aabi we nhiaar rin ye wek kacken, ku wën ci yen we kuëny bei pinynhom, ke wek aacie koc pinynhom, ku rin ë wët këne, koc pinynhom aa man we. ²⁰Muökkë wët ca lëk we nhom, ‘Acin alony dit tënë banyde.’ Na jörkë ya, ke keek aabi we jöör aya, na piŋkë wëtdië, ke keek aabi wëtdun piŋ aya. ²¹Ku keek aabi käkka looi ëbën tënë we rin ye wek kackië, rin kuc kek raan cä tooc. ²²Na ya këc bën ku cä jam tënë we, nuöt aa këc gup la adumuööm, ku cit ëmën këlä, acin të bi ke ben puöl rin adumuöömken. ²³Raan man ya, ee Wä maan. ²⁴Na ya këc luöikä kaŋ looi kamken, käk cin raan ci ke kaŋ looi, nuöt aa cin gup adumuööm, cit ëmën këlä, aaci käk ca looi tiŋ, ku keek aa not ke man ya ku Wä aya. ²⁵Ku këne adhil rot looi këya bi wët ci göt löŋden yic rot tiëŋ, ‘Keek aa man ya ë path ke cin wët yic.’

²⁶“Raan kuɔɔny abī bēn, Wēi Nhialic abī yiny Nhialic nyooth, ku yeen abō tēnē Wā. Yeen aba tuɔc we tēnē Wā, ku yeen abī jam ē rienkiē. ²⁷Ku week aya wek aabī jam ē rienkiē rin cī wek rēer ke ya thēr.

16 “Kēnē aca lēk we bāk gamdun cīi pāl. ²Wek aabī cuɔp wei tēn amat. Ku kaam abī bēn, tē bī kuat raan nāk we ye tak lɔn na looi kēnē, ke yeen aluui Nhialic. ³Keek aabī kākka looi tēnē we, rin kuc kek Wā ku kuckē ya. ⁴Kākka aaca lēk we, rin akōl bī kek kākka looi, ka jālke tak lɔn cī yen ye kaŋ lēk we.

Luoi Wēi Nhialic

“Wēlkā aa kēc lēk we wāar tueŋ rin rēer yen kek we. ⁵Ku emēn yen ala tēnē raan cā tooc, ku aŋot cīn raan kamkun ya thiēc, ‘Na yīin lɔr dē?’ ⁶Ku emēn cī yen ye lēk we, wek aaci puɔth jieth. ⁷Wēt yic alēk we, aŋuēn tēnē we lɔn jiēl yen, rin na cā jiēl ke raan kɔc kony aciī bī bēn tēnē we. Ku na jāl ke yen aba la tuɔc we. ⁸Ku na bīi, ka bī nyuɔth kɔc pinynhom lɔn rēc kek rin wēt adumuɔm, ku rin wēt ciεŋ path ku wēt luŋ Nhialic. ⁹Keek aa rēc rin wēt adumuɔm, rin kēc kek ya gam, ¹⁰rin wēt ciεŋ path cī ladiē tēnē Wā nyuɔth, ku kē cīi wek yen bī ben tiŋ. ¹¹Ku keek aa rēc rin luk, rin cī bēny pinynhom tēn luɔk wei.

¹²“Yen ala kajuēc kōk ba lēk we, ku emēn aril yic bāk ke muk wenhiim. ¹³Ku na bō Wēi Nhialic yen ē yic, ka bī we nyuɔth wēl yith ēbēn. Yeen aciī bī jam wēlke ē rot, ku kāk ye piŋ aabī lēk we. ¹⁴Yeen aba leec, rin bī yen kēdiēn ba lueel lōom ku nyuth we. ¹⁵Kāk Wā ēbēn aa kākkiē, ku ē yen aci yen ye lueel lɔn bī Wēi kāk ba yiēk ye lōom, ku jāl ke lēk we.

Rēc puɔu ku miet puɔu

¹⁶“Aŋoot kaam thin nyɔt, ku wek aaciī ya bī tiŋ, ku na ben a kaam thin nyɔt ke we abī yen ben tiŋ.”

¹⁷Go kɔc kōk kam kocken ye buɔth lueel, “Kēnē wētde yic yeŋō? Aye lēk yo, kaam thin-nyɔt ke week aaciī ya bī ben tiŋ, ku ben a kaam thin-nyɔt ku wek aabī ya tiŋ? Ku lueel aya, ‘Ee rin ler yen tēnē Wā.’” ¹⁸Gokē thiēc, “Kam thin-nyɔt kēnē wētde yic ako? Kē wic bī lueel akucku!”

¹⁹Go Jethu ŋic lɔn wic kek ye bīk thiēc, ku lēk ke, “Aca lueel, ‘Kam thin nyɔt ke wek aaciī ya bī tiŋ, ku na ben a kaam dēt ke wek aabī ya tiŋ.’ Ye wēt kēnē yen yakē thiēc kamkun? ²⁰Wēt yic alēk we, wek aabī dhiau ku dhuɔrkē apeī, ku kɔc pinynhom aabī puɔth miet, ku wek aabī puɔth rēc, ku rēc piāndun abī wel tēnē we bī ya miet puɔu. ²¹Na thiōk tik kek dhiēth ka rac puɔu rin cī akōl reem ye yēēt, ku na cī meth jāl

dhiëeth ka arëem wën aciï ben tak rin cï yen puðu miet, rin cï yen meth dhiëeth pinyhom. ²²Ku acit kënë tënë we aya, wek aa rëc puðth ëmën, ku wek aabä ben tiñ, ku wek aabi kueth miet ë puðu, kuart miet puðu cïn raan bi ye ben nyaai tënë we.

²³“Na la aköl kënë bën ke wek aaciï ya bi ben thiëec kädäj. Wët yic alëk we, keriëec ëbën bäk thiëec ë rienkië abi Wä yiëk we. ²⁴Yet yaköl acin kë cäk thiëec ë rienkië, thiëckë ku abäk yök, bi miet puðu dit tënë we.

²⁵“Käkkä aake ya lëk we waal, ku tē cii yen bi ben jam waal aci thiök, ku yen abi ya jam tënë we wël la gei rin Wä. ²⁶Të le aköl kënë bën, ke wek aabi Wä thiëec ë rienkië. Ku acä bi lëk we lön bi yen ya röök ë rienkun tënë Wä, ²⁷rin Wä anhiar we rin nhieer wek ya, ku rin cï wek ye gam lön yen a ya bö tënë Nhialic. ²⁸Yen abö tënë Wä ba bën pinyhom, ku pinyhom aba puöl ku dhuök tënë Wä.”

²⁹Go kacken ye buoðth lëk ye, “Tiñ, yin ajam gei ëmën ke yi cii ben jam waal. ³⁰Acuk ñic ëmën lön ñic yin keriëec ëbën, ku yin aaciï tit bi yi thiëec, rin wët kënë acuk ñic lön biï yin tënë Nhialic.”

³¹Go Jethu bëer tënë ke, “Cäk jäl gam ëmën? ³²Pienjë tädäj abi bën, ku aci thiök ayic, tē bi wek wëer bi ñek ala panden, ku wek aabä nyaän piny yatök. Ku acie yen yatök rot, rin Wä arëer kek ya. ³³Wek aaca lëk kënë rin bäk aa tök kek yen, bäk döör yök. Koc pinyhom aabi we jöör, ku deetkë wepuðth yen aciï karec pinyhom lëu!”

Jethu aröök rin kacken ye buoðth

17 Nawën cï Jethu wëlkä thöl luël, ke ñëer yenyin nhial ku lueel, “Wä, aköl aci yëet. Yiëk lec Wëndu ku bi Wëndu yi yiëk lec. ²Rin yin aci bäany yiëk ye koc nhïim ëbën, bi pïr akölrïëec ca gam ye yiëk koc ëbën. ³Ku pïr akölrïëec akïn, bi koc yi ñic lön yin ë Nhialic la cök, ku ñickë Jethu raan cï lóc ku döc wäär ca tuöcc pinyhom. ⁴Yen aci læcdu nyuoðth pinyhom, ku luçi ca yiëk ya ba looi aca thääp. ⁵Wä, gam ya læcdu yinhom tën ëmën, lec wäär rëer kamkua yok yi, wäthëer ke piny këc cak.

⁶Yin aca nyuoðth tënë koc ca yiëk ya pinyhom. Keek aake ye kacku, ku ë yin aci ke gam ya, ku keek aci wëtdu gam. ⁷Ke ëmën añickë lön keriëec ëbën ca yiëk ya abö tënë yi. ⁸Wä yen aci wët ca lëk ya lëk ke, gokë gam, ku añickë ayic yen lön biï yen tënë yi, ku acik gam lön cï yin ya tooc.

⁹“Yen ë röök ë rienken. Yen acie röök rin koc tō pinyhom, ee rin koc ca yiëk ya rin ye kek kacku. ¹⁰Käkkië ëbën aa käcku, ku læcdië aye nyuoðth keyiic. ¹¹Ku ëmën yen abö tënë yi, yen aciï ben a raan rëer

pinynhom, ku keek aatō pinynhom. Wā dhēŋ, tit ke riel ē rienku, rin wäär ca yiék ya, bik aa tōk cimēn yok yo yi. ¹²Wäär rēer yēn ke ke, aaca muk riel ē rienku, keek aaca ke tiit ku acin tōŋ cīi mäǟr kamken. Arēk ke raan wäär yen bī dhiel mäǟr ē rot, rin bī wēt cī gōt athōr thēer wēl Nhialic yēn hom tiēŋ. ¹³Ku ēmēn yēn abō tēnē yī, ku kākā aa ya lueel ya ŋoot pinynhom bī miet piändiē rēer kepuōth ke dīt alanden. ¹⁴Yēn aci wēt lēk ke, go kōc pinynhom ke maan, rin cīi kek ye kōc pinynhom tēn. Cimēn cīi yēn ye raan pinynhom tēn aya. ¹⁵Yin acā bī thiēec ba ke nyaai pinynhom, ku yin aya thiēec ba ke tiit jōŋrac. ¹⁶Keek aacie kōc piiny tēn cimēn cīi yēn raan piny tēn. ¹⁷Mac ke wēt yic, rin wētdu ē yic. ¹⁸Keek aca ke tuōc pinynhom cimēn cī yin ya tuōc pinynhom. ¹⁹Yēn ē rot mac ē rienku, ku bik rōt mac aya wēt yic.

²⁰“Yēn aciī rōök rienken rōt, yēn arōök aya rin kōc bī gam rin piōōcden. ²¹Yēn arōök rin bī kek aa tōk. Wā, cōl ke aaye tōk yoyiic cimēn tō yin kek ya ku yēn kek yī. Cōl ke aaye tōk rin bī kōc pinynhom ye gam lōn cī yin ya tooc. ²²Yēn aci lec ca yiék ya, aca yiék ke bik aa tōk cimēn ye yok tōk. ²³Yēn arēer keyiic cimēn rēer yin yayic bik aa tōk ēbēn, bī kōc pinynhom ŋic lōn cī yin ya tooc, ku lōn nhiēer yin ke cimēn nhiēer yin ya.

²⁴“Wā, keek aaca yiék ya, ku awiēc bik rēer tē rēer yēn thīn, bik lecdiē tīŋ, lec ca yiék ya, rin nhiēer yin ya wäär kēc piny guō cak. ²⁵Wā raan la cōk, kōc pinynhom aa kuc yī, ku yin aŋiēc, ku kōckā aŋickē lōn cī yin ya tooc. ²⁶Yin aca nyuōth tēnē ke, ku aba ŋot luōi kēya, rin bī nhiērdū tēnē ya tō keyiic, ku ba tōu keyiic aya.”

Jethu aci dōm

(Mt 26:47-56; Mk 14:43-50; Lk 22:47-53)

18 Tēwēn cī Jethu rōök kēya, ke jiēl kek kōcken ye buōth ku teem wār cōl Kidron. Ku gōr ē tō thīn tēēnē, go Jethu la thīn kek kōcken ye buōth. ²Ku Judath raan gōony ye ē ŋic tē cī yen la thīn, rin cī Jethu kaŋ rōm thīn kek kōcken ye buōth arak juēc. ³Go Judath la gōr yic kek akut apuruuk, ku kōc kōk luaŋ Nhialic tiit, cī kōc kāk Nhialic ku kōc akut Parathī tuōc thīn. Keek aake muk tōŋ ku mermer, ⁴ku Jethu ē ŋic kēriēec ēbēn bī rot looi tēnē ye, go ke lor nhīim ku thiēec ke, “Yeŋa wiēckē?”

⁵Gokē bēer, “Ee Jethu raan Nadharet.” Go lueel, “Ee yēn.” Ku Judath, raan gōony ye ē tō thīn ke ke. ⁶Kaam wēn lēk Jethu ye ke, “Ee yēn,” Ke riŋ ciēen kekōth ku wīikkē piny. ⁷Go Jethu ke ben thiēec, “Yeŋa wiēckē?” Gokē lueel, “Ee Jethu raan Nadharet.”

⁸Go Jethu lueel, “Aca lëk we wenthæer lön ye yen ya. Na wiëckë ya, ke we päl kockä bik jäl.” ⁹Yeen aci jam kälä bi wët ci kaŋ lueel ëlä rot tiëŋ tädë, “Wä, na cok a raan tökaliŋ kam koc ca yiëk ya, ka këc muör.”

¹⁰Ku Thaimon Pïter ë muk pal. Go miëet bei ku tök alony raandit kæk Nhialic ku teem yinyden cuëc wei. Ku alony ë cöl Malko. ¹¹Go Jethu lëk Pïter, “Dhuök paldu jokgöde yic. Ye tak lön ci yæn aræm ci Wä yiëk ya bi guum.”

Jethu aci yäth Anath nom

¹²Go akut apuruuk kek bänyden ku koc Itharel ke tit, Jethu döm ku derkë, ¹³ku kəkë yäth tënë Anath. Ku Anath ë ye wun tiŋ Kaipa, raandit kæk Nhialic ye ruöñ kënë. ¹⁴Ee Kaipa yen ëci ye kaŋ lëk koc Itharel lön ŋuëñ yen bi raan tök thou rin koc.

Pïter ajei Jethu

(Mt 26:69-70; Mk 14:66-68; Lk 22:55-57)

¹⁵Go Thaimon Pïter kek raan dët Jethu buöth, ku raan Jethu buöth kënë ë ŋic raandit kæk Nhialic guöp apei, go la kal pan raandit kæk Nhialic yic kek Jethu. ¹⁶Ku döŋ Pïter ayeer kal thok. Go atuny wën ŋiëc kek raandit kæk Nhialic dhuk ayeer, ku jieem kek nyen tit kal thok, ku biï Pïter alonhthïn. ¹⁷Go nyen tit kal thok Pïter thiëc, “Ciï ye raan tök kam koc mony kënë buöth?” Go Pïter bëër, “Yei, yæn acie raande.” ¹⁸Ku wiir ë tö thïn, go alony ku koc tit many cool took, ku këëckë many wën lööm bik yoc. Go Pïter la ku këc ke ke bi yoc aya.

Jethu aluk raandit kæk Nhialic nom

(Mt 26:59-66; Mk 14:55-64; Lk 22:66-71)

¹⁹Go raandit kæk Nhialic Jethu thiëc rin wët kocken ye buöth, ku rin wët piöcde. ²⁰Go Jethu bëër, “Yæn ë cool jam akölaköl tënë raan ëbën koc nhiim, ku piöcdeï ëbën aya looi tën amat ku luaŋ Nhialic të ye koc Itharel guëñ thïn. Ku yæn acin kë ca kaŋ lueel ke muöny. ²¹Ku yeŋö thiëc yin ya? Thiëc koc ci wëlkië piŋ. Thiëc ke wël ca lëk ke, rin aa ŋic wël ca lueel.”

²²Tëwën ci Jethu jam kälä, go raan tök kam koc tit ke kääc thïn buök nyin ku lueel, “Ciï riöc ba jam kälä tënë raandit kæk Nhialic?”

²³Go Jethu bëër tënë ye, “Na ca kuöc jam, ke lëk koc të ci yæn kuöc jieem thïn. Ku na ye yic yen ca lueel, ke yeŋö meŋ yin ya?”

²⁴Go Anath tuöc tënë Kaipa raandit kæk Nhialic, ke ŋot der cin.

Pīter aci Jethu ben jai*(Mt 26:71-75; Mk 14:69-72; Lk 22:58-62)*

²⁵Pīter ë ɲot kääc tēwën ke ɣɔc mac. Go kɔc kɔk lueel tēnē ye, “Cīi ye raan tɔk kam abiöth ë mony kēnē?” Go Pīter jai ku lueel, “Yei, ɣen acie raande.” ²⁶Go muɔny tɔk kam aloony raandit kāk Nhialic, ruääi kek raan wën cī Pīter tɔk ɣic wei, jam ku thiëc, “Kēc ɣi tɲj kek ye gör ɣic?” ²⁷Go Pīter ben jai, ku kiu thɔn ajith nyin ɣic.

Kɔc Itharel aaci Jethu gaany tēnē Pilato*(Mt 27:1-2, 11-14; Mk 15:1-5; Lk 23:1-5)*

²⁸Gokē Jethu thɛl wei pan Kaipa ku ɣēthkē pan bēnydit Roma, Pilato. Ku piny ë ye nhiäknhiäk dur ɣic. Go kɔc Itharel cīi la alɔɲthin pan bēnydit, ku bik röt tiit ajuëc rin cī yai thiök, ku bik miëth Yan Ayum cīn ɣic luɔu cam. ²⁹Go Pilato la aɣeer tēnē ke ku thiëc ke, “Ye awäc ɲɔ cäk ɣök ye mony kēnē guöp?”

³⁰Gokē bëër, “Na cīn awuɔc cī looi ɲuɔt akēcku bëëi tēnē ɣi.”

³¹Go Pilato lēk ke, “Week gup lömkē ku luɔikē luk kē cīt löɲ ciɛɲ pandun.”

Go kɔc Itharel bëër, “Akēc puöl tēnē ɣo buk raan tēm thou.” ³²Kēnē aci rot looi bi wēt cī Jethu lueel rot tiɛɲ tēde, wën lueel yen kuat thon bi yen thou.

³³Go Pilato dhuk kal ɣic ku cɔɔl Jethu ku thiëc, “Ye ɣin Bēnyɲaknhom kɔc Itharel?”

³⁴Go Jethu bëër, “Wēt kēnē ye wētdu aye kɔc kɔk kek cī ye lēk ɣi ë rienkië?”

³⁵Go Pilato bëër, “Ye tak lɔn ye ɣen raan Itharel? Aa kacku guöp kek kɔcken dīt kāk Nhialic, kek aa bëi ɣi tēnē ɣa. Yeɲɔ ca looi?”

³⁶Go Jethu bëër, “Bäänydië acie bääny pinynhom. Na bäänydië ye kēn pinynhom, ɲuɔt kackië aaci thör bi ɣen cīi tēëu kɔc Itharel cin. Acie këya, bäänydië acie kēn pinynhom tēn.”

³⁷Go Pilato ben thiëc, “Yīin, ye bēnyɲaknhom?” Go Jethu bëër, “Aye lueel lɔn ye ɣen bēnyɲaknhom. Yen aci dhiëth ku ɣen aci bēn pinynhom rin wēt tɔɲ kēnē, ba jam wēt ɣic. Ku kuat raan cī ɣic ɲic ë wēt dië piɲ.”

³⁸Go Pilato thiëc, “Ku ɣic ye kēn ɲɔ?” Ku ben dhuk aɣeer tēnē kɔc Itharel ku lēk ke, “Acin awuɔc ca lēu ba ɣök yeguöp bi ye luök wei. ³⁹Ku yeen ë wēt piändun ba raan tɔɲ cī mac lony rin Yan Ayum cīn ɣic luɔu. Wiëckē ba Bēnyɲaknhom kɔc Itharel luöny we?”

⁴⁰Gokē dhuök ye ke loi kiɛu, “Acie këya! Acie yen wiëcku. Barabath yen awiëcku.” Ku Barabath ë ye cuär kɔc rum.

Jethu aci tēm thou

(Mt 27:15-31; Mk 15:6-20; Lk 23:13-25)

19 Go Pilato Jethu dɔm ku cɔl athat. ²Ku jɔl apuruuk kër thii tim la kuɔɔth riic yiic ku ŋek kek yenhom, ku tēɛukë alanh mathiän yekɔu, ³ku bikkë tënë ye ku luelkë, “Madho, Bënyŋaknhom, Bëny kɔc Itharel,” ku maŋkë nyin.

⁴Go Pilato ben dhuk ayeer ku lëk kɔc wën cï kenhïim kut, “Yeen aba thël ayeer tënë we tënë, ku bāk tiŋ lɔn cïn yen tē bï ɣen awuɔc yök yeguɔp ba luɔk wei.” ⁵Këya, go Jethu bën ayeer ke ceŋ ŋakŋak cï looi kuɔɔth ku alanh mathiän yekɔu. Ku lueel Pilato tënë ke, “Yen kïn, yen raan!”

⁶Nawën tiŋkë, ke kɔc kāk Nhialic ku kɔc tit kiu ku luelkë, “Piäät tim cï riïu kɔu.” Go Pilato lëk ke, “Damkë kek we bāk piäät tim cï riïu kɔu, ɣen akëc awuɔc yök yeguɔp.”

⁷Gokë wët dhuk, “Yok aa la lõŋ ciɛŋda ye lueel lɔn dhil ye nök, rin aci lueel lɔn ye yen Wën Nhialic.”

⁸Nawën piŋ Pilato wët kënë, ke riɔc apei. ⁹Ku dhuk kal yic ku thiëc Jethu, “Yiïn bäär tēnen?” Go Jethu biet ku cïi bëer thok acïn. ¹⁰Go Pilato lëk ye, “Cïi wic ba jam kek ɣa? Tak yinhom lɔn nadë ke ɣen ala riel ba yï puɔl, ku ɣen ala riel aya ba yï cɔl apiëet tim cï riïu kɔu.”

¹¹Go Jethu bëër, “Yin ala riel tënë ɣa rin cï Nhialic ye yiëk yï, ku ë yen ale raan cä tääu yiicin guɔp awuɔc rac apei.”

¹²Nawën piŋ Pilato wëlkä, ke wic apei bï dhël yök bï yen Jethu puɔl. Go kɔc Itharel kiu tënë ye ku luelkë, “Të lony yin ye ka ye nyooth lɔn cïi yin määth kek Bënyŋaknhom. Kuat raan rot looi bï ya bënyŋaknhom, ee raan ater Bënydan ŋaknhom.”

¹³Nawën piŋ Pilato ë wëlkä, ke thel Jethu ayeer ku nyuuc thöny luk tō laar cɔl, “Piny cï guir kuɔr,” Ku ë cɔl Gabata thoŋ kɔc Itharel. ¹⁴Ku aköl kënë yen aköl guir kɔc röt rin Yan Ayum cïn yic luɔu. Nawën təcit aköl ciel yic, ke lëk Pilato kɔc Itharel, “Bënydun ŋaknhom akin!”

¹⁵Gokë kiu tënë ye, “Näk! Näk! Piäät tim cï riïu kɔu!” Go Pilato ke thiëc, “Wiëckë ba Bënydun ŋaknhom piäät tim cï riïu kɔu?”

Go kɔc kāk Nhialic bëër, “Bänyda ë tök, ee bënyŋaknhom Roma!”

¹⁶Go Pilato ke yiëk Jethu bik la piäät tim cï riïu kɔu.

Jethu aci piäät tim cï riïu kɔu

(Mt 27:32-44; Mk 15:21-32; Lk 23:26-43)

Gokë Jethu dɔm. ¹⁷Ku ler ayeer ke ket timden cï riïu, ke jiël geu bï la tē cɔl Golgotha. (Ku wëtde yic, gɔn la gueŋ-ŋeŋ cit apen nhom raan.) ¹⁸Ku jolkë piäät tim cï riïu kɔu. Ku piëtkë kɔc karou aya tiim cï riïu



Ku leer ayeer ke ket timden cī rīiu (19:17)

kööth, raan tök ləŋ cuēc ku raan dēt ləŋ cam. Ku Jethu ciel kamken. ¹⁹Go Pilato awuöc göt bī tāäu tim cī rīiu nhom. Ku kën cī göt akīn, “JETHU RAAN NADHARET, BĒNYŊAKNHOM ITHAREL.” ²⁰Ku kəc juēc aake cī kënë kueen, rin tən cī Jethu piäät tim cī rīiu kōu thīn, acīi mec ke geu. Ku wēt ěcī göt thoŋ kəc Itharel ku thoŋ kəc Roma ku thoŋ Girik. ²¹Go kəcdüt kək Nhialic Itharel lək Pilato, “Duk ye göt, ‘BĒnyŋaknhom kəc Itharel,’ aŋuĕĕn ba göt, ‘Acī mony kënë lueel, ʏen ě bĕnyŋaknhom kəc Itharel.’”

²²Go Pilato bĕēr, “Kĕ ca göt arĕēr ke ca göt.”

²³Nawĕn cī apuruuk Jethu piäät tim cī rīiu kōu, ke lōm aläthke ku tekkĕ keyiic ŋuan, abaŋ tök tĕnĕ apuruök tök. Ku lömkĕ alanh kōu aya cī kəc kĕdiĕt tök, jək yeyeth ʏet piny. ²⁴Ku luelkĕ kamken, “Dukku

tem k̄ou, cuetku gek buk t̄ij b̄i lööny t̄enē ŋa.” K̄enē aci rot looi b̄i w̄ēt c̄i ḡöt athör theer w̄ël Nhialic yic rot tiεεŋ t̄ēde,

“Keek aaci alāthkiē tek kamken, ku cuetkē gek rin alanhdiēn k̄ou.”

K̄enē yen aci apuruuk looi ayic.

²⁵Ku t̄ēthiök kek tim c̄i r̄īiu Jethu, diäär aake k̄äac th̄in, man ku nyank̄en ē man, Maria t̄ij Klop̄ath ku Maria Magdalena. ²⁶Naw̄en t̄ij Jethu man ku raan ye buōoth nh̄ieer ke k̄äac aya ē t̄ēēn, ke l̄ēk man, “Tik manhdu ak̄in.”

²⁷Ku ben l̄ēk raan ye buōoth w̄ēn, “Moor ak̄in.” Ku yak̄öl guöp ke w̄ic raan ye buōoth aw̄en piny paande.

Jethu aci thou ayic

²⁸Naw̄en ŋic Jethu l̄on c̄i k̄eriēec ēb̄en th̄äap, ke lueel b̄i w̄ēt c̄i ḡöt athör theer w̄ël Nhialic yic rot tiεεŋ, “Yen an̄ēk rou.”

²⁹Ku t̄öny c̄i thiāŋ muōn wac ē t̄ö th̄in, gok̄ē alath luöt m̄ou yic, ku t̄ēük̄ē wai thok, ku ɣ̄ōkk̄ē yethok. ³⁰Naw̄en c̄i Jethu muōn wac jooc ke lueel, “W̄ēt aci th̄äap.” Ku gut yenhom piny ku thou.

Jethu aci gut puōu

³¹Go k̄oc Itharel Pilato thiēec b̄i ke puōl b̄ik k̄oc c̄i piäat tiim c̄i r̄īiu k̄öth dhoŋ kuōl, ku nyεeik̄ē guäpken tiim c̄i r̄īiu k̄öth. Ku ē loik̄ē k̄elā rin ye yen ak̄öl niēn Dhiēc, ku ac̄ik ye w̄ic b̄i guäpken r̄ēer tiim c̄i r̄īiu k̄öth ak̄öl niēn Dātem, rin yen ak̄öl yandit apei. ³²Go apuruuk la ku dhoŋk̄ē kuōl raan t̄ök ku kuōl raan d̄ēt, ē k̄oc c̄i piäat tiim c̄i r̄īiu k̄öth kek Jethu. ³³Naw̄en b̄ikk̄ē t̄enē Jethu, ke t̄iŋk̄ē l̄on c̄i yen thou ku c̄ik ben dhoŋ kuōl. ³⁴Go apuruōŋ t̄ök Jethu gut puōu t̄oŋ, go riem ku pīu kuēr nyin yic. ³⁵Ku raan c̄i k̄enē t̄ij aci lueel rin b̄i wek ye gam aya. W̄ēt c̄i lueel ē yic, ku yeen aŋic l̄on ye yen w̄ēt yic yen lueel. ³⁶K̄enē aci rot looi b̄i w̄ēt c̄i ḡöt athör theer w̄ël Nhialic yic rot tiεεŋ, “Ac̄in yuōm̄den b̄i dhoŋ.” ³⁷Ku ben lueel t̄ēd̄ēt athör yic ēlā, “Ku aabi daai raan yen c̄ik gut.”

Jethu aci thiök

³⁸Naw̄en ē k̄enē c̄ök ciēen, ke Jothep raan gen Arimatheo b̄ö t̄enē Pilato ku thiēec b̄i guöp Jethu nyaai. (Jothep ē ye raan Jethu buōoth c̄i gam, ku aye moony rin riōoc yen b̄any Itharel.) Go Pilato l̄ēk ye l̄on c̄i guöp puōl t̄enē ye. Go Jothep la ku le nyaai. ³⁹Go Nikodemo, raan w̄äär c̄i kaŋ la t̄enē Jethu wak̄ou, rot m̄ät Jothep ku ē muk miök ŋ̄ir c̄ol mira

cī liäap wäl dēt cəl aloe. ⁴⁰Go röör wën karou guöp Jethu lööm ku derkë kōu alath ke cī wäl ñir tääu thīn, rin kënë yen ë tē ye kōc Itharel guiër guöp raan cī thou bī jāl thiök. ⁴¹Ku tēwën cī Jethu nōk thīn gör ë tō thīn, ku rañ yam ë tō gör yic, ku ë cīn raan cī kañ thiök thīn. ⁴²Ku rin bī yen aköl yan kōc Itharel nhiäk, ku rin thiök rañ aya, gokë guöp Jethu tōöu thīn.

Rañ acī yic lääu

20 Riel yic aköl Nhialic ke piny ñot la durdur, ke Maria Magdalena la rañ nhom, go aləl tiñ ke cī nyaai rañ thok. ²Go riñ tēnē Thaimon Pīter, ku tēnē raan dēt Jethu buōth nhiëer Jethu, ku lëk ke, “Kōc aaci Bēny nyaai rañ yic ku akucku tē cī kek ye tääu thīn.”

³Go Pīter ku raan Jethu buōth dēt wën lööny dhöl, ku lekkë rañ nhom. ⁴Ku keek aake la ke kat kedhie, go raan Jethu buōth dēt wën kat apēi tēnē Pīter, ku ye yen kōñ yet rañ nhom. ⁵Go guñ ku tiñ alanh wäär cī Jethu der, ku akēc la alōñthīn. ⁶Go Thaimon Pīter guō bēn ku ler rañ yic. Go alēth tiñ ke rēer piiny, ⁷ku alanh cī Jethu kum nhom ëcīi rēer kek alēth kōk, ëcī mat yic tēde rot. ⁸Go raan Jethu buōth dēt wën cī kañ yet rañ nhom jāl la alōñthīn, ku gem. ⁹(Ku keek aake ñot ke kēc wēt athör thēer wël Nhialic deet yic, athör ye lueel lōn bī yen rot dhiel jōt thou yic.) ¹⁰Go kōc ye buōth jal dhuk bei.

Jethu acī rot nyuōth Maria Magdalena

¹¹Kaam wën Maria ë kääc ayeer tēthiääk kek rañ ke dhiau. Ku tēwën ñot dhiëu yen ke guōñ ku luit rañ yic, ¹²Ku tiñ atuuc nhial cī ruk alēth yer karou, ke rēer tēwäär cī guöp Jethu tōöu thīn, tōk tē la yenhom ku dēt tē la yecök. ¹³Gokë thiëc, “Tik, ye rin ñö dhiëu yīn?” Go lueel, “Keek aaci Bānydië nyaai, ku akuōc tē cī kek ye tääu thīn.”

¹⁴Kaam wën lueel yen kënë, ku jōl wel yenyin ke tiñ Jethu ke kääc yelööm, ku akēc ñic lōn ë yen Jethu. ¹⁵Go Jethu thiëc, “Tik, ye rin ñö dhiëu yīn? Yeña wic?” Go tak lōn ë yen raan lui dom yic, ku lëk ye, “Bēny, na ye yīn cī ye nyaai, ke lëk ya tē cī yīn ye tōöu thīn, ku yēn abi la ba la lööm.”

¹⁶Go Jethu lëk ye, “Maria.” Go yenhom wël ye ku lueel thoñ kōc Itharel, “Rabuni,” ku wētde yic, “Raan piöoc.”

¹⁷Go Jethu lëk ye, “Duk ya gōt rin yēn ñot ya kēc yet nhial tēnē Wä. Ku yīn lōr tēnē wāmāthkië ku lëk ke, ‘Yēn adhuk ciëen tēnē ye, yen ë Wä, ku ye Wuurdun, Nhialicdië ku ye Nhialicdun.’”

¹⁸Go Maria Magdalena jāl ku le lëk kōc ye buōth lōn cī yen Bēny tiñ, ku lëk ke wël cī Jethu lëk ye.

Jethu aci rot nyuõth kacken ye buoõth

¹⁹Nayõn theëi ya akõl Nhialic wën, ke kac ye buoõth aake ci rõt mat yõn ci riit thok, rin riõõc kek bany Itharel. Go Jethu ben ku këëc kamken ku lueel, “Bi döör rëer kek we.” ²⁰Wën ci yen jam kälä, ke nyuth ke yecin ku yelõm. Go kac ye buoõth puõth miet apei wën tiñ kek Bëny. ²¹Ku ben Jethu lëk ke, “Bi döör rëer kek we, cimën ci Wä ya tooc, ke wek aa ba tooc aya.” ²²Wën ci yen jam kälä, ke jol wëei kenhïim ku lueel, “Lõmkë Wëi Nhialic. ²³Na pälkë adumuõõm kac piny, ka pël piny, na cak ke pël piny, ka ciï pël piny.”

Jethu ku Thomath

²⁴Ku Thomath, cõl Acueek, raan tõk kam kac kathiäär ku rou ye buoõth, ee liu thïn wën biï Jethu. ²⁵Go abiõth kõk lëk ye, “Bányda acuk tiñ.”

Go Thomath lëk ke, “Na cie tëtõok wäär ci ye piäat kek tiñ yecin, ku täau yacin ë tëtõökkä yiic, ku täau yacin yeyõu aya, ka cã kõñ gam.”

²⁶Nawën nin kabët cõk, ka abiõth aake ci rõt ben mat yõt ku Thomath ë rëer thïn ke ke, ku yõt ecï riit thok. Go Jethu ben kõõc kamken ku lueel, “Bi döör rëer kek we.” ²⁷Ku jol lëk Thomath, “Täau yicin tën, ku tiñ cienkië ku jõt yikõk ba yicin täau yayõu. Päl kënë yin kãñ dhõl yiic, ku gam!” ²⁸Go Thomath bëer, “Bánydië ku Nhialicdië.”

²⁹Go Jethu lëk ye, “Ca gam rin ci yin ya tiñ? Ye këpuõth bi yiendë tënë kac bi gam ke kéc ya tiñ!”

Wët wic athör kënë bi nyuõth kac


³⁰Jethu aci kädit jãñ göi looi kacken ye buoõth nhïim, ku keek aa kéc göt athör kënë yic.

³¹Ku kakkä aaci göt rin bæk gam lon ye Jethu Wën Nhialic ci lõc, ku bæk pir yök ë rienke tã ci wek gam.

Jethu aci rot nyuõth kac ye buoõth kadhrou

21 Nawën ë kakkä cõk ciëen ke Jethu ben rot nyuõth kacken ye buoõth wär Tiberia yõu. Ku tã ci luõi ye akin. ²Thaimon Pïter kek Thomath (cõl Acueek), ku Nathaniel (raan Kana pan Galilia), ku wëët Dhubedi, ku kac kõk karou Jethu buoõth, aake rëer tëtõk ëbën. ³Go Thaimon Pïter lëk kac wën, “Yen ala mei.”

Gokë lëk ye, “Yok aabi cath kek yi.” Gokë la ku lek riäi yic, ku acin kë cik dõm ë wëer kënë yic ëbën.



Go Jethu lëkke, Bëëikë rec abëk rec awën cäk döm (21:10)

⁴Tëwën bii aköl nyin, ke Jethu ë kääc wär you, ku akëc kacken ye buoŋh ñic lön ë yen Jethu. ⁵Go lëk ke, “Riënythii, cïn kë cäk döm?” Goke bëër, “Acïn kädänj.”

⁶Go lëk ke, “Cuatkë buoi lönj cuëny riäi, ku känj aa bäk döm thïn.” Gokë buoi cuat ku göök ke bik miit rin juëc rec apeï.

⁷Go raan Jethu buoŋh nhieer Jethu lëk Pïter, “Kën ë Bëny.” Nawën piŋ Thaimon Pïter lön ye yen Bëny, ke ruk alanhde yeköu (rin cï yen aläthke däk bei ëbën) ku thueet wïir. ⁸Go abiöth kök lök bën ke cath riäi, ke thel buoi ke cï thiänj rec. Ku keek aake cïi mec apeï kek agör, aake cït akääth bian tök. ⁹Nawën keeckë piny ke tiŋ many ë miim ke dëp ku rec ke cï tääu mæec kek ayup. ¹⁰Go Jethu lëk ke, “Bëëikë rec abëk rec awën cäk döm.”

¹¹Go Thaimon Pïter la riäi yic ku miit buoi wär thok ke cï thiänj rec dït, ku rec ëbën aa buoŋt ku thiärdhiëc ku diäk. Tëwën cök rec juëc këlä, buoi akëc yic ræet. ¹²Go Jethu lëk ke, “Bäk, miëthkë.” Ku acïn raan tök kam kóc ye buoŋh cï ye cak thiëëc, “Ye yïn ña?” Rin ñic kek ye lön ye yen Bëny. ¹³Go Jethu rot cuot ku lööm ayup ku yik ke ku ben looi këya kek rec.

¹⁴Këlä, Jethu acï rot nyuöth kóc ye buoŋh kën yen yic diäk, tëwën cï yen rot jöt kam kóc cï thou.

Jethu ku Pïter

¹⁵Wën cï kek mïth ke lëk Jethu Pïter, “Thaimon wën Joon, nhar ya apei tën tē nhieer kockä ya?”

Go bëër, “Ee këya Bëny, aņic lön nhieer ęen yï.”

Go Jethu lëk ye, “Biöök amälkië apath.” ¹⁶Ku ben Jethu lëk ye, “Thaimon, wën Joon nhar ya apei?”

Go bëër, “Ee këya Bëny aņic lön nhieer ęen yï.”

Go Jethu lëk ye, “Biöök amälkië apath.” ¹⁷Ku ben Jethu thiëc arak dët ye kek diäk, “Thaimon, wën Joon nhar ya?”

Go Pïter puöu dak rin cï Jethu ye thiëc arak dët ye kek diäk, “Nhar ya?” Ku lëk ye, “Bëny, yïn aņic këriëc ëbën, ku yïn aņic lön nhieer ęen yï.”

Go Jethu lëk ye, “Biöök amälkië apath, ¹⁸Wët yic alëk yï, wäär ęot ye yïn riënythii ke yïn ye rot guir ku lör tē wic piändu, ku tē bi yïn dhiöp ke yïn abï yicin ęaak tueņ, ku raan dët abï der ku thel yï tē cïi wic ba la thïn.”

¹⁹Käkkä aaci Jethu lueel bi nyuöth Pïter tē bi yen thou thïn, ku bi koc col aaye Nhialic leec thïn. Ku jöl Jethu lëk ye, “Buöth ya.”

Jethu ku raan dët ye buöth

²⁰Go Pïter yenhom wel ku tiņ raan dët ye buöth nhieer Jethu ke buöth ke, raan wäär thiääk kek Jethu wäär mïth kek, cï Jethu bën thiëc ëlä, “Bëny, yeņa bi yï la gaany?” ²¹Wën tiņ Pïter ye, ke lëk Jethu, “Bëny, na raan dëtë, bi yiëndë?”

²²Go Jethu bëër, tënë ye, “Na wiëc bi pïr ęet aköl bi ęen bën, ke yeņö tënë yï? Yïin ëmën buöth ya.”

²³Go wët thiëi piny kam koc buöth Jethu lön raan Jethu buöth këne aciï bi thou. Ku akëc Jethu lueel lön cïi yen bi thou. Aci lueel, “Na wiëc bi pïr ęet aköl bi ęen bën ke yeņö tënë yï?”

²⁴Raan këne yen ë raan Jethu buöth jam käk cï tiņ, ku yen ë gët ke aya, ku aņic lön wët cï lueel ë wët yic.

²⁵Ëmën käjuëc kök aatö thïn, käk cï Jethu looi. Na ke cï gät piny ëbën, tök ku tök, ke ęen aya thööņ lön piny ëbën aciï lëu bi athör gät jöt.